

१४८

दती नं: ४८/२००६/७७

पुर्खा दय्क तकगु सम्पत्ति, भीगु कला व संस्कृति
पिकाक-भक्तपुर नगरपालिका



पुर्खा दय्क तकगु सम्पत्ति, भीगु कला व संस्कृति
स्वयं

नेपाल संवत् १९४५ पोहेला शवः / २०८१ माघ १ / 2025 Jan. / ल्याः १२३, दाँ: ७



बुध्वाप नगरपालिकाया
हिं व्हयकगु नगरक्षभाया उलेज्या

राप्ती नगरपालिकाया नगर प्रमुख लामा ख्वप नगरपालिकाय्
(२०८१ एउस २५ गते)



दार्चुला, अपि हिमाल गा.पा.या जनप्रतिनिधिपुं ख्वप नगरपालिकाय्
(२०८१ एउस २२ गते)



; DkfbSlo

@*! df3 !, c^a\$!\$(, j if&

स्वप विश्व विद्यालय विधेयक पारित यायता छाय लिफिलिफि ?

स्वप नगरपालिका स्वप विश्वविद्यालय विधेयक पारित यायता प्रस्ताव यागु नं हिंडादा मयाकं दय धुंकल । २०६४ सालय् प्रदिप नेपाल शिक्षा मन्त्री जू बलय् हे उगु विधेयक हछ्यायता नगरपालिका शिक्षा मन्त्रालय निवेदन ब्यूगु खः । वनंलिपा तः म्हा हे शिक्षामन्त्री जुय धुंकल । फुक्कसिनं स्वप नगरपालिका शिक्षा लागाय् याड् च्वंगु ज्या बांला दक प्रशंसा याई अथेनं उगु विधेयक हछ्यायता सुननं कुतः मया ।

स्वप विश्वविद्यालय स्वयो लिपा तिनि वगु पश्चिमाञ्चल विश्वविद्यालय, कर्णाली स्वास्थ्य विज्ञान प्रतिष्ठान, योगमाया विश्वविद्यालय, राजर्षि जनक विश्व विद्यालय थजगु अपलं विश्वविद्यालयया विधेयकत पारित जुयो ज्या नपां न्ह्याकय् धुंकल । फुक्क पूर्वाधारत गाय् धुकानं स्वप विश्वविद्यालय स्वीकृति मब्यूगु अजुचाय्पुगु विषय खः ।

अः यायम्हा शिक्षा मन्त्री विद्या भट्टराई जुं पुस १६ गते स्वप नगरपालिकापाखं चाय्कः तःगु फुक्क कलेजय् वयो स्वयो भाल । वयकलं शिक्षक, ब्वनामि व कर्मचारीत मुंकः अन्तरक्रिया नं याड्ः दिल । अन्तरक्रियाया इवलय् वयकलं स्वप विश्व विद्यालयया खायं थः सकारात्मक जुयागु खाँ ब्याकसे, स्वप विश्वविद्यालय विधेयक मन्त्रीपरिषदय् थ्यंगु नपां अन्तिम चरणय् थ्यंगु खाँ नं ब्याकः दिल । थ्वनं हाँ या मन्त्रीतय्सं नं स्वपया जनताता थजगु आश्वासन मब्यूगु मखु ।

स्वप नगरपालिका शिक्षाखय् नेपालय् दकलय् न्हःपां लाय छ्यःगु नगरपालिका खः । २०५६ सालय् स्वप मा.वि. निःस्वाडः शैक्षिक अभियान न्ह्याका थौं तकया इलय् नेगु इन्जिनियरिड कलेज, छगू कानुन संकायया 'ल' कलेज नपां याड्ः न्ह्यगु शैक्षिक संस्थात न्ह्याकः देशां देछिया जनताया काय् म्हायाय्पिन्ता दांकः भिंकः बांलाकः शिक्षा ब्यू ब्यू वयो च्वंगु दः । अः व फुक्क ब्वनय्कुथिसं देशां देछिया न्ह्यद्र स्वयो अपः ब्वनामिपुं उच्च शिक्षा ब्वडः च्वंगु दः ।

गुब्लें बन्द हडताल मजुइगु अलय् नियमित कलेज न्ह्याकिगु नपां अनुशासनय् तयो ब्वकिगुलिं देशां देछिया अभिभावक पुं व ब्वनामिपिसं ल्यइगु न्हपांगु स्वप कलेजत जुयो वगु दः । उगु कलेजय् ब्वडः च्वंपुं ब्वनामिपिसं उत्कृष्ट नतिजा ह्यता तः लाडः च्वंगु दः ।

२०८१ सालय् पिकःगु स्वप कलेजतय्गु परीक्षाफलया लिचव तः छक स्वय् बलय् स्वप कलेज अफ 'ल' या उत्तीर्ण प्रतिशत ९७ दः । अथेहे इन्जिनियरिड पाखय् आर्किटेक्टय् शत प्रतिशत, सिभिलय् ८६.८१ प्रतिशत, कम्प्यूटरय् ८०.६७ प्रतिशत व इलेक्ट्रिकलय् ६७.५७ प्रतिशत पास जूगु दः । थ्व नेपः या औसत उत्तीर्ण प्रतिशत स्वयो यक्व च्वय खः ।

स्वप वहुप्राविधिक, स्वप नर्सिङ्या ब्वनामिपिनिगु लिचवः व स्वयो भन बांला । मुक्कं पीम्हा परीक्षासं दुतिंगुलि स्वीनेम्हा विशिष्ट श्रेणी व च्याम्हा प्रथम श्रेणी हयो पास जुला ।

उगु कलेजय् ई काथंया न्हूँ न्हूँगु विषयत ब्वंकयता स्वीकृति बियो च्वंगु मरु । हिंडादा-खुदा पुलांगु कोर्स ब्वनय्गुलि ब्वनामिपिसं यो ताय्क च्वंगु मरु । स्वप विश्वविद्यालय विधेयक पारित जुल धःसा उत्पादन श्रम नपां स्वाइगु शिक्षा व हिलः माल स्वइगु खोज अनुसन्धानय् बः बियगु दक स्वप नगरपालिका धायो च्वंगु दः । उकीं भ्या भाति हे लिपा मलाकसें स्वप विश्वविद्यालयया विधेयक वैगु हिउँदे अधिवेशनय् पारित याइगु स्वपया जनताया तहांगु विश्वास खः ।

पिकाक-स्वप नगरपालिका/सम्पादक-आशाकुमार चिकबञ्जार, डेस्कटप-धन लक्ष्मी त्यात, आवरण सज्जा-रेणु ध्वज्, थाकू- भक्तपुर अफसेट प्रिन्टर्स फोन ल्याः ०१-६६१३०४३, इ-मेल- khwopapau@gmail.com



का. रोहितया चीन भ्रमण

उत्पादनय् चियाङ्गसु प्रान्त शांघाइलिया नेगू खः सा विदेशी ब्यापारय् क्वाङ्गचाउ व शांघाई लिपा स्वंगू खः । अः थाना २०,००० मंकः पुँजी छ्यलः कालबिल न्ह्याकः च्वंगु दः ।

नानकिङ्ग चियाङ्गसु प्रान्तया राजधानी खः । चीनया खुगु पुलांगु राजधानी मध्ये थव छगू खः । मुक्ति स्वयो न्हपा अथे धाय् १९४९ स्वयो न्हपा नानकिङ्ग चीनया राजधानी खः । चियाङ्गसु उत्तर व दक्षिण याडः नेब्व थयो तःगु दः । उत्तर चियाङ्गसु स्वयो दक्षिण चियाङ्ग सु या आर्थिक स्तर व प्रतिव्यक्ति आय अपः दः । दक्षिण चियाङ्ग सु या प्रतिव्यक्ति आमदानी १००० अमेरिकी डलर थ्यनि । उकिं चियाङ्ग सु या स्वंगु नारा दः - विज्ञान प्रविधि व शिक्षाख्य हः नय् वानयगु मेगु आर्थिक स्तर उतिंग्यकयगु वयकलं माओत्सेतुङ्गया उदाहरण नपां तयो काङ्गः द्यूगु खः ।

नानकिङ्गया मूक्कं जनसंख्या ५० लाख थ्यनि अलय् नगरया जक २५ लाख थ्यनि । थुगु ऐतिहासिक व आर्थिक महत्व जःगु थासय् लसकुस याय दः गुलिं तस्कं लयतायागु खाँ प्वंकल । अः जिमिसं छिकपिन्ता चिनलिन होटल (jinling Hotel) य् यंकय ताडा । चिनलिन होटेल चीनया दकलय पुलांगु पाँचतारे होटल मध्ये छगू खः । अलय अः मेगु छगू पाँचतारे होटल नं दः उगु होटेल छिकपिन्ता आरामदायी जुई धायगु मति तया ।

सनयात सेन लाँ पुलः जिपुं चिनलिन होटलय् थ्यन । आना थ्यनय्वं होटलया महाप्रबन्धक व मेमेपुं कर्मचारी पिस लसकुस यासे नीडाता जःगु २५०३ नं या क्वथाय् तय यंक तँचा व होटलया पासपोर्ट बिल ।

चाउ एन लाई स्मृति भवन

४.३० ता इलय चियाङ्गसु प्रान्तीय जन सरकारया विदेश मामलाया विभागीय प्रमुख गाओ यान (GAO YAN) जुं मोटरय् धा धां यंकल । जिमिसं अः १९४६ मई महिना निसें १९४७ या मार्च महिनातकया गृहयुद्ध पानय्ता कोमिङ्गताङ्ग (च्याङ्गकाइसेक) नपां वार्ता यायता चिनियाँ कम्युनिष्ट प्रतिनिधिमण्डलया न्हयलुवा जुयो चाउ एन लाइ भः बलय् वयकलं छ्यलः द्यूगु कार्यालय ब्वडः यंकय ताडा । उगु कार्यालय अः चाउ एन लाई लुमन्ति भवन काथं ल्यंकः स्वाकः व ब्वज्या याडः तःगु दः ।

नानकिङ्ग व चियाङ्ग सु प्रान्त दे या छगू महत्वं जःगु शिक्षाकेन्द्र खः । थाना ७० गू विश्व विद्यालयत दः । ४० गू विश्व विद्यालयं विद्यावारिधि अथे धाय् पि.एच.डि. तकया डिग्री वियगु याई । मेमेगु विश्वविद्यालय पाखं स्नातकोत्तर वा एम.ए. तकया उपाधि बिई । प्राविधिक मेडिकल हवाई (Aronoctical), वास (Phar malogical) या विषयया नितिं थानाया विश्वविद्यालयत नां जः । थानाया विश्वविद्यालयसं १,२५,००० म्हा मिसात मिजंत ब्वनामिपुं ब्वनि ।

नौयान सिनकुन (meiyuan xincun) धायगु नानकिङ्ग नगरया पूर्वपाखय् चीनया गृहयुद्ध पानय्ता १९४६ मई महिना निसें १९४७ मार्च महिनातक (कोमिङ्गताङ्ग) राष्ट्रवादी पार्टीया सरकार नपां वार्ता यायता चाउ एन लाइ या न्हयलुवाय् चिनियाँ कम्युनिष्ट पार्टीया केन्द्रीय समितिया छपुचः प्रतिनिधि मण्डलं थव थासय् कार्यालय तःगु खः । थव कार्यालयता अः चाउ एन लाई स्मृति भवन संग्रहालय् धःगु खः ।

कथहं...

भाद्र ७ २०५२ या न्हिनय सिया १२:४० ता इलय जिपुं निङ्पो हवाई अड्डाया नितिं वाडा अलय १:०० ताइलय आना थ्यन । पासा चेन होङ्ग बेइनपां बिदा फ्वडः ई पिडः च्वडा । थ्याक्क १:४५ ताइलय फय् खतं (हवाईजहाज) (पूर्वी चीन) लिङपो त्वःतल अलय २:४५ ताइलय फय्खतं नानकिङ्गया धर्ती त्वः तल ।

हवाई अड्डाय् ३:०० ता इलय चियाङ्गसु प्रान्तीय जन सरकारया परराष्ट्र मामिलामा एशियाली विभाग (Division of Asian Affairs, Foreign office Jiyangsu Provincial People's Government) या प्रमुख शाओ सिफिङ्ग (SHAD XIPING) व चियाङ्गु प्रान्तीय जनसरकारया विदेश मामिलाया विभागीय प्रमुख गाओ यान (GADYAN) जुं लसकुल याडः दिल । शाओसि फिङ्गजुं मोटरय् च्वँ च्वँ चियाङ्गसु प्रान्तया म्हासिङ्का पिब्वयो दिल । वयकलं फ्रान्सेली भाय जक ल्हाइम्हा जुगुलिं गाओ यात जुं अंग्रेजी भाय हिलः काँ कां यंकल ।

चियाङ्गसु प्रान्त डाल च्वंगु थाय् १,००,००० वर्ग किलो मिटर कय च्याड च्वंगु दः । चीनया मे मेगु प्रान्त स्वयो थव उलि तः हांगु प्रान्त धःसा मखु । थाना न्हयगू करोड जनता च्वडः च्वंगु दः अथेधाय् फ्रान्सेय् दक्व ति दः । आर्थिक काथं थव छगू महात्वपूर्ण थाय् खः । औद्योगिक

स्वप नगरपालिकाया हिंन्हय्कगु नगरसभासं नगर प्रमुख सुनिल प्रजापति जू या व्वचु



पुलांगु नगर लागाया मूलाँय्या जवं खवंया छँत नं सम्पदाया लागा क्वः छिता । जिमिसं उकिता ल्यंकः, म्वाकः, भिंकः तय्गु नपां पुलांगु नगरया फुक्क लागाता हे सम्पदा वस्तीकाथं हछ्याय्गु कुतः याडः च्वडा । थाना भ्नीगु हे मौलिक पहलं छँ दानिपिन्ता अनुदानया व्यवस्था याडः च्वडागु दः ।

थाना भ्नायो द्युपुं सकलें सभासद् जुपुं, ख्वपया जनतां पाखं नेकगु कार्यकालया लागिं जिपुं निर्वाचित जुयागु नं नेदात्या दत । थुगु इलय निर्वाचनया इलय घोषणापत्र पाखं बियागु बचंया लिधंसाय् जिमिसं ज्या न्ह्याकः च्वडा । जनताता बियागु छगू छगू बचं पू वांकय्गु कुतः याडः च्वडा ।

‘नाचगानया राजधानी’ अलय ‘सांस्कृतिक नगर’ या उपनां तयो तःगु ख्वप देता अः लिपा जर्मनया वास्तुकलाबिद निल गोत्से जुं ‘हलिमयया दकलय् तः हांगु म्वाडः च्वंगु संग्रहालय,’ जक नां छुकला । थजगु तस्कं महत्वं जःगु नगरया न्ह्यलुवा जुयो ज्या सानय् दःगुलिं जिपुं तस्कं लयताया ।

ख्वप दे क्वः या हिसाबं दे याय् हे दकलय् चिच्याक्वगु नगरमध्ये खःसां थाना जनधनत्व यक्व दःगु थाय् खः । हलिमय नांजःगु सम्पदात दःगु (दरबार) लाय्कु लागा, तः माही लागा, व दतात्रय लागा श्वहे नगरय् दः । थानाया च्वजःगु वास्तुकलाया लिधंसाय् ख्वपया लाय्कु लागाता सन् १९७९ सं युनेस्को विश्व सम्पदाया धलः ख्यं नां छुःगु खःसा ख्वपया

भ्नी न्ह्यलुवापिसं ख्वप देता हलिमय दकलय् स्वयहार्यपुगु बांलागु नगरकाथं विकास याय्गु म्हागस खांगु खः । नेपाल मजदुर किसान पार्टीया नायो भाजु का. नारायण मान बिजुक्छँ (रोहित) जुं ‘सच्चिदा लिपाया ख्वप दे’ नां या साफू च्वयो दियो अथेहे स्वय हार्यपुगु नगर दय्केगु म्हागस खांगु खः । जिमिसं वहे साफूया लिधंसाय् यचु पिचुगु बांलागु ख्वप दे दय्केगु लाँपु ज्वडः हज्याडः च्वडा । शिक्षा, स्वास्थ्य उपचार सम्पदा ल्यंकः म्वाकः भिंकः तय्गु, सुचुकुचु, विकास निर्माण व ल्यासे ल्याम्होपिन्ता लाहातय् ज्या दैगु ज्या इवः तः व वहे आजुइ थ्यंकय्गु लिधंसात दय्कः दयकं वाडः च्वडा ।

२०७२ सालया तः भ्वखाचां क्वय थ्यंकः थुडः व बच्छी थुडः, चिरिबायो क्षति जूगु अपलं सम्पदात ल्हवनय्-कानय् व दानय्गु ज्या अपलं क्वचाय् धुंकगु दःसा गुलिं महत्वपूर्ण सम्पदात दानय्गु ज्या जुयो च्वंगु दः । स्थानीय स्रोत, साधनत अपलं छ्यलः लिच्छवी व मल्ल जुजु पिनिगु पालाया सम्पदात ल्यंकः म्वाकः तय्गु ज्या न्ह्याक च्वडागु दः ।

अः ख्वप दे पर्यटकपुं अपलं चाह्यु

दैगु थाय् मध्ये छगू जुय धुंकल । नेपालय् वैपुं पर्यटकपुं मध्ये प्यव्वय् छव्व ख्वपय् दैगु ल्याखं क्यडः च्वंगु दः । उकि स्वयो अपः पर्यटकपुं दुकायो ख्वप देता पर्यटकपुं छक मवसें मगागु थाय् काथं हज्याकय्गु कुतः याडः च्वडा ।

इलय् ब्यलय् ब्वडगु भ्वखा, खुसी बः दुब्वाइगु थजगु प्राकृतिक विपति, महामारी काथं डाडः पुडः वगु कोरोना भ्वल्वय, नाकावन्दी अलय क्षेत्रीय युद्धथजगु घटनां विदेशी पर्यटकया भरमरुगु व न्ह्याब्लेया निंतिं दैगु स्रोत मजुइगु ज्ञान जिमिसं कायो च्वडा । उकिं अः जिमिगु ध्यान देशं दुनय्या पर्यटकपुं सालय्गुलि जुयो च्वंगु दः ।

‘ख्वप महोत्सव’ देशं दुनय्या पर्यटकपुं सालय्गुलि छगू कथर्हया ज्या खः । २०८१ मंसिर २८ गते निसें पुस २ गते तक ख्वप महोत्सव डाय्के धुन । उगु इलय् ख्वपया मूर्त व अमूर्त सम्पदा निसें कायो ख्वपया जीवन शैलीया संस्कारत सकलसिनं स्वय दत । डान्ह्या दुनय लाखौं मनूतय्सं महोत्सव स्वय दत । ख्वप महोत्सव २०८१ नं जिमिगु कार्यकालया छगू महत्वंजःगु ज्या इवः काथं इतिहासय् च्वइ । ख्वप नगरपालिकाया इनापय् नगरबासीपिसं गथे थःथमनं सयागु ज्यात, कला कौशलत त्वालय-त्वालय गथे ब्वता व छगू काथं गयासुलागु दसु खः । इमानदार जुयो, निःस्वार्थ भावनां अथे ख्वपया कपः धस्वाकय् दःगु काथं ज्या याडः ग्वाहाली यापुं सकल ख्वपया जनतात थौया श्व ज्या इवः सं धन्यवाद देछाय ।

नेपाल मजदुर किसान पार्टीया सिद्धान्त, नीति व निर्देशन काथं देश व

सचिद्वत पीगुगु स्वप पौ, बःखि पौ(पाक्षिक)

जनताया सेवा याय्गु हे जिमिसं थःगु कर्तव्य भः पिया । पारदर्शिता, इमानदारिता व आर्थिक अनुशासनता ह्दाय तयो जिमिसं ज्या याडः च्वडा ।

ख्वप विश्वविद्यालय निःस्वानय्गु ख्वपया जनताया इच्छा खः । विश्वविद्यालय विधेयक पारित जूसा गथे ख्वप नगरपालिकां नेगू इन्जिनियरिड कलेज नपां न्हय्गु शैक्षिक संस्थात चाय्कः देशां देछिया जनताया काय् म्हायाय् पिन्ता दांकः, भिंकः, बांलाकः ब्वंक वयो च्वंगु खः अथेहे चिकित्सा शिक्षा नपां मे मेगु विषयसं अथेहे सेवा याय् दै । देश व जनताया सेवा याय्गु बाहेकं जिपुं जनप्रतिनिधिपिनिगु मेगु छुं हे स्वार्थ मरु ।

ख्वप विश्वविद्यालय निःस्वानय्ता १ नं. वडाया सल्लाघारी च्वंगु १०८ पि जग्गा बिया दक हालः च्वडागु नं तः दा हे दत । अः नेपाल ट्रस्टया नामय् च्वंगु उगु जग्गाया खाय् जिमिसं मदिकक स्वापूदःपुं पदाधिकारी पिन्ता ग्वाकः च्वडा ।

अःजिं हिंखुगु नगर सभा लिपा अः तकया ख्वप नगरपालिकाया आयव्यय व नगरपालिकां याडः वगु ज्या इवः त बःचा हाकलं पिब्वयः

आय पाख्यः

थुगु नगरपालिकां चालु आ.ब.२०८१/८२ या लागिं थ्यं मथ्यं ६५ करोड ८३ लाख आन्तरिक स्रोत पाखं आमदानी याय्गु तातुना खय् २०८१ पूस २४ गते तकया २५ करोड ४० लाख आमदानी जुयो मति तयागुलि ३८.६० प्रतिशत प्रगति जुगु दःसा वाह्य स्रोत पाखं १ अर्ब ८० करोड २२ लाख आमदानी जुइगु तातुनासं पूस २४ गते तकया ६२ करोड ७१ लाख आमदानी जुयो ३४.८० प्रतिशत प्रगति जुगु दः । आन्तरिक आमदानी वांगु दाय्यया वहे इलय स्वयो ८ प्रतिशतं अपः

दःगु खःसा वाह्य स्रोतं ५ प्रतिशत अपः दःगु खः ।

ब्यय पाख्य

थुगु नगरपालिकाया आ.ब. २०८१/८२ या चालु खर्चया नामय् रु.१ अर्ब ५७ करोड ३ लाख तका छखय् लिइकगुलि २०८१ पूस २४ गते तक खय् ५५ करोड २५ लाख खर्च जुयो छखय लिइकगु बजेटय् ३५.१८ प्रतिशत खर्च जुगु दः सा पूंजीगत खर्च पाखय् ९९ करोड ४० लाख तक छखय लिइकगुलि वहे इलय् २० करोड ३७ लाख तका खर्च जुगु खः । गुगु छखय लिइकगु बजेटया २०.४९ प्रतिशत खः ।

वित्तीय पाख्य

चालु आ.ब. २०८१/८२ या लागिं १० करोड छखय लिइकगुलि आ.ब. २०८१/८२ या पूस २४ गते तकखय् २ करोड ३७ लाख तका खर्च जुयो छखय लिइकगु बजेटया २४.३५ प्रतिशत प्रगति जुगु खानय् दः । चालुपुंजी व वित्तीय नपां याडः मूकं छखय लिइकगु बजेट २ अर्ब ६६ करोड ४३ लाख १० हजार तका मध्ये चालु आ.ब. या पूस २४ गते तकखय् मुकं खर्च ७८ करोड ६ लाख जुगु खः, गुगु छखय लिइकगु बजेटया २९.२९ प्रतिशत प्रगति जुगु दः ।

क) शिक्षा:

ख्वप नगरपालिकां न्हयगु शैक्षिक संस्थात चाय्क, देशादेछिया ब्वनामिपिन्ता दांकः भिंकः उच्च शिक्षा वियोवयो च्वंगु दः । अः ख्वप विश्वविद्यालय निःस्वानय्ता जुयो च्वडागु दः । थुगुसी संघीय संसदया शिक्षा, स्वास्थ्य तथा सूचना प्रविधि समितिया सभापति माननीय अम्बर बहादुर थापाया न्हयलुवाय् दुजः पुं व पदाधिकारीपुं, भूमिव्यवस्था, सहकारी व गरिबी निवारण मन्त्री माननीय बलराम अधिकारी व शिक्षा विज्ञान प्रविधि मन्त्री माननीय विद्या भट्टराई

जुं नं ख्वप नगरपालिकापाखं चाय्कः तःगु थी थी ब्वनय्कुथित स्वःभायो शैक्षिक संस्थातय्गु भौतिक अवस्था व जनशक्तिया बारे खाँ थुइकः दिल । नपां ख्वप नगरपालिका वडा नं. १ सल्लाघारीया १०८ पी जग्गा ख्वप विश्वविद्यालय निःस्वानय्ता जग्गा बियादक नेपाल ट्रष्टया कार्यालय, नेपाल ट्रष्टया संरक्षक माननीय भूमिसुधार मन्त्रीता अनुरोध पत्र बिय धुन ।

- ख्वप नगरपालिकापाखं चाय्कः तय्गु ब्वनय्कुथिसं गरीब व जेहन्दार ब्वनामिपिन्ता दाय् ४ करोड क्वतिया छात्रवृत्ति बियो वयागु ।

- च्वय् थ्यंक ब्वनय्गु मति दःपुं गरिव व जेहन्दार ब्वनामिपिन्ता चालु आ.ब. २०८१/८२ खय् १५ म्हासिता डागू लाख तका ल्याखं शैक्षिक ऋण स्वीकृत याडागु जुल । अःतक खय् अजगु ऋण कायो ब्वपुं ७५१ म्हा थ्यन ।

- ५७ कगु अन्तरराष्ट्रिय साक्षरता दिवसया लसताय् नगरस्तरीय अन्तर विद्यालय किपा च्वज्या या धिं धिं बल्ला, राष्ट्रिय शिक्षा दिवसया लसताय ब्वनय्कुथि ब्यागु न्हयसः लिसः कासाया धिं धिं बल्ला, व १६ कगु पुस्तकालय दिवसया लसताय सामुदायिक व संस्थागत ब्वनय्कुथी ब्यागु (गुगु तगिं निसैं हिंन्यगु तगिं तकया) च्वखँ या धिं धिं बल्ला जुगु जुल ।

- नगर दुनय ब्वडः च्वपुं ब्वनामिपिनिगु शैक्षिक गुणस्तर च्व जाय्केता नगर शिक्षा शाखा पाखं अः हिगू तगिंया एसईई तयारी परीक्षा न्हयाकः च्वंगु दः नपां डागू व च्यागू तगिंया ब्वनामि पिनिगु नगरस्तरीय परीक्षाया नं तयारी याडः च्वंगु दः ।

स्वास्थ्यः

ख्वप नगरपालिकापाखं सचिछगु शैक्ष्याया ख्वप अस्पताल चाय्कः आनानं

संस्कृत पीगुगु स्वप पौ. ब.खि पौ(पाक्षिक)

बिडुगु स्वास्थ्य सेवा व सुविधाया गुणस्तर अप्वयकेता आधुनिक स्वास्थ्य उपकरणत ताडः यंकेगु ज्या जुयो चवंगु दः । मः काथं चिकित्सकपुं व नर्सपुं जनशक्ति ताडः, नगरबासीपिन्ता अःपुकः, काथंछिंकः, स्वास्थ्य उपचार काय् दय्केता जिमिसं मदिकक कुतः याडः चवडागु दः ।

- नगरबासीपिन्ता अक्सिजन व हि धेबा म्वायक इडंतुं वयागु दः । चालु आ.ब. २०८१/८२ या मंसिर मसान्त तक खय् ४५० म्हासिता धेबा म्वायकः हि अलय् ५४२६ म्हा नगरवासी पिन्ता धेबा म्वायकः अक्सिजन इड बियागु दः । थुगु इलय ख्वप अस्पतालं १ लाख १५ हजार म्हा स्वयो अपः बिरामी पिन्ता सेवा विय धुंकगु दः ।

- चालु आ.ब. या पौष २४ गते तकखय् थुगु नगरपालिका दुनयया क्यान्सर, नुगःल्वय, मृगौला व दुगाक्वयँ (मेरुदण्ड) पक्षघाट जूपुं १०५ म्हा बिरामीपिन्ता १५,७५,०००/- तका दां ग्वाहाली बिय धुंगु दः ।

- चालु आ.ब. या पुस २४ गते तकया दुनयं नगरपालिकाया व्यवस्थापनय् चाय्कः तःगु आयुर्वेदिक सेवा १७०९ म्हा सिता, छँ छँ नर्सिड सेवा २०,०१० म्हा सिता, मिखाया उपचार १४९८३ म्हासिता व श्वास प्रश्वास केन्द्र पाखं ९०१ म्हा सिता स्वास्थ्य उपचार ब्यूगु जुल ।

ग) संस्कृति व सभ्पदा संरक्षण

- चालु अ.ब. २०८१/८२ या साउन महिनाय् निसे मंसिर मसान्ततकखय् ख्वप नगरपालिका वडा नं ४ गःहिंति चवंगु लक्ष्मी नरसिंह देगः, ख्वप नगरपालिका चोछँ या छुमा गणेश द्यो छँ, गोमारी ७ या क्वाकचा गणेशया देगः, व २ वडा तपालाछिया फल्चा दानय्गु ज्या क्वचालसा २५ गू सभ्पदात ल्हवडः, दाड

चवंगु दः ।

- सांस्कृतिक सभ्पदा ल्हवनय्- कानय्या इवल्य धेबां काय मरुगु योगदान याडः, द्यूपुं नीम्हा सांस्कृतिक गुरुपिन्ता ४५ कगू विश्व पर्यटन दिवशया ०८१ या लसताय् हानय्ज्या यात । वहे इलय् गुन्हिपुन्ही वा सापारु बलय् पिब्वगु चवजःगु सांस्कृतिक विधात व संस्कृतिकःमि पिन्ता नं सिरपा देछाल ।

- ख्वपया कला, सस्कृति, सभ्पदा, मौलिक सीप व उत्पादनया लिधंसाय् देश दूनय् व देशं पिनय्या पर्यटकपुं दुकाय्गु तातुडः नगर व नगरबासीपिनिगु आर्थिक च्वजाय्केगु तातुड न्हि ल्या २०८१ मंसिर २८ गते निसें पुस २ गतेतक न्ह्याकगु ख्वप महोत्सवं तः जिक क्वचाल । महोत्सवय सांस्कृतिक ज्या इवः, पौभा, तस्वीर छ्वालीकला, किपा च्वयोतःगु, पोशाक, हलिमलि, बाजागाजाया (सामग्रीत)

ज्वलंत जीवन शैली, परम्परागत व आधुनिक कासात, नौबाजा, बौद्ध प्रकाशन, सहकारी ज्या इवःत पिब्वगु खः । अथेहे थाय् थासय् बुँ सैगु अन्नत, घरेलु व हस्तकलां पिकःगु ज्वलंत, नसा ज्वलं व धौ महोत्सव, नवदुर्गा, कुमारी, दिपंकर बुद्ध व बुद्ध अस्ति धातु ब्वज्या, व्यापार मेला, साफू ब्वज्या व शैक्षिक ब्वज्या, शैक्षिक व साहित्यिक ज्या इवः, नौकाविहार व बालमैत्री ज्या इवः त, नपां पालाचा च्याकय्गु थजगु ३२ थव विद्या १८० गू थासय् स्वयो अपः थासय् ब्वयो क्यंगु जुल । पूर्वपाख्य बाहारे (कमल बिनायक) पुखु निसें न्हँपुखु (रानी पुखु) परिसरतक, उत्तर पाख्य ख्वप कलेज देकोचा निसें दक्षिण देगःमना व महेश्वरी खेल मैदान तक, ख्वपया पुलांगु नगर फुक्क लागाय् न्हि हिद्व स्वयो अपः मन्तयसं महोत्सव स्वःभगुलिं

थी थी विद्यात ब्वज्या यागु जुल । थुगु इलय् देशं दुनय व देशं पिनय्या च्यागु लाखस्वयो अपः मन्तयसं महोत्सव स्वगु खानय दः । थ्वहे इलय्या मंसिर २९ व ३० गते नेन्हुतक खुल्ला बाँसुरीया धिंधिं बल्ला जूगुलि ४६ थव सिनं ब्वति कःगु जुल । नपां ख्वप महोत्सव सम्बन्धि स्मारिका, किपा साफू व सहकारी आवाज, बुलेटिन नं पिताब्वज्या जुल ।

- २०७२ सालया तःभ्वखाचां स्यंकः ब्यूगु थंथु दरबार मल्लकालीन पहलय् हे दानय्गु ज्या जुयो चवंगु दः ।

- खोँहे (हनुमन्ते) खुसीया चा लिकायो खुसी सफायाय्गु ज्या जुयो चवंगु दः ।

घ) कृषिः

ख्वप नगरपालिकापाखं दय्क चवंगु प्राङ्गारिक (नेपाली) सः बच्छी धेबा छूट याड, किलो हिकां मियो चवंगु दः ।

- थुगु इलय ख्वप नगर दुनयया ५१३ म्हा खिचातय्ता बन्ध्याकरण व ७७६ म्हा, गल्ली खिचातय्ता रेबिज खोप ब्यूगु दः ।

ङ) पर्यटनः

आ.ब. २०८१/८२ या पौष २३ गते तकखय् गैर सार्क पर्यटकपुं ६७,९६९ म्हा व सार्क व चिनियाँ पर्यटकपुं ५१,४२५ म्हा याड, मुक्कं १,१९,३९३ म्हा पर्यटकपुं द्रहँ वगु जुल । वांगु दायँ थ्वहे इलय् मुक्कं १, १४, ७९२ म्हा द्रहँ वगु खः । वांगु दायँ स्वयो थुगुसी ४,६०१ म्हा पर्यटकपुं अपः द्रहँ वगु जुल । थव न्हपा स्वयो ४.०१ प्रतिशतं अपः खः ।

- २०८१ पौष २३ गते तक खय् गैर सार्क पर्यटकपाखं १२,२३,००००० सार्क व चिनियाँ पर्यटक पाखं २,५०,०००००/- तका याडः मुक्कं १४, ८०,०००००/- तका आमदानी जुगु दः । आ.ब. २०८०/८१ या थुगुहे इलय गैर सार्क पर्यटक पाखं १०,७५,०००००/- तका

सचिद्वत पीगुगुगु स्वप पौ. ब.छि पौ(पाक्षिक)

व सार्क व चिनियाँ पर्यटक पाखं २,७५,०००००- तका याडः मुक्कं १३ करोड ५० लाख तका आमदानी जूगु खः । थुगुसी १ करोड २९ लाख अपः आमदानी जुगु दः ।-

- विश्व पर्यटन दिवसया लसताय् २७ सेप्टेम्बर २०२४ खुनुं दकलय् न्हःपां खवप नगरय् द्रहँ वगु पुचः या पर्यटकपिन्ता लसकुस याडागु नपां भक्तपुर पर्यटन विकास समिति नपां मंकः ज्या याडः 'खवपया पर्यटनः विगत, वर्तमान व भविष्य' विषय अन्तरक्रिया ज्या इवः जुल ।

च) सुचुकुचु व लकसः

खवप नगर दुनं प्याहाँ वैगु फोहर छँ नं हे छखय् लिङ्के बियो ध्वगिङ्गु व ध्वमःगिङ्गु फोहर न्हियान्हिथं ल्हययो थासय् लाक च्वडागु दः । ध्वगिङ्गु फोहरं नेपाली सः दयकेगु व ध्वमगिङ्गु फोहर हकनं छ्यय्केता छ्वयो बाकी फोहर थासय् लाकः वयागु दः ।

- नगरपालिकाया जनप्रतिनिधिपिनिगु न्हयलुवा जुयो कर्मचारीपुं स्थानीय ब्वनय्कुथि, कलेज, टीम, क्लव, व स्थानीय जनतात दृश्याकः नगरया ऐतिहासिक पुखु, देगः या चाकली, खुसी अलय सार्वजनिक थासय् बःछिया छकः १ गते व १५ गते सुचुकुचु ज्याइवः न्ह्याकः वयो च्वडा ।
- खँहे खुसी व कासने खुसी सुधार याय्ता सल्लाघारी व खँहेया उपचार पुखु दय्कः च्वंगु दः ।
- खवपया सांस्कृतिक नगर दुनय् माकचा जःथें अखय्ला थखय्ला मदय्कः प्यडः तःगु तार व केबुलत थासय् लाकः तय्ता अजगु तार जमिनं तलय ल्हाकय्गु ज्या जुयो च्वंगु दः ।

छ) त्वनय्गु नाः

- खवप नगर दुनय् मेलम्चीया नाः न्हिया

न्हिथं बियो च्वंगु दः । नपां नगर दुनयया परम्परागत नाः छँत पुखु, तुथि, ल्वहँहिथि थजगु नाः छँत ल्हवडः बांलाकः तयागु नपां नगरया थी थी थासय् डिप बोरिड या थाय् नं नाः इडः ब्यूगु दः ।

ज) कासाः

- खवप नगरपालिकां बियो वयो च्वंगु कासाया स्यनय्ज्या मदिकक बियो वगु नपां १० वडा बेखालया (महालक्ष्मी स्थान) टेबुल टेनिस प्रशिक्षण कभर्ड हल दानय् धुंकः म्हितकेगु ज्या नं न्ह्याकल ।
- नगरया थी थी थासय् छिकोड व्यायाम न्ह्याकः न्हिं डय्म्हा छगू छगू वडां थुगु कासाखय् दुतिडः च्वंगुलिं थुकिता अजः तः ब्याकः यंकय्गु कुत जुयो च्वंगु दः ।
- २०८१ असोज १० निसें १५ गतेतक थुगु नगरदुनय्या ब्वनय्कुथिया शिक्षक-शिक्षिकापिन्ता प्रशिक्षक प्रशिक्षण बिय धुंकल ।
- थुगु नगरपालिकाया गवसालय् २०८१ कार्तिक ९ गते निसें १४ गते तक नगरब्यागु धिं धिं बल्ला कासा (भलिबल, भतिंग्वारा, कबड्डी, कराँते, एथलेटिक्स उसु, छ्यें बल, खो खो, पोर्टबल, ब्याडमिन्टन, तेक्वाण्डो, चेस, जिम्नास्टिक, कसिमला पायँ व प्यकुं धुं)जूगु जुल । उगु कासासं ८१ गू ब्वनय्कुथिया नीडास स्वयो अपः कासामिपिसं ब्वति कःगु खः ।
- न्हि ल्या २०८१ मंसिर २४ गते खवपया लायकुली छिकोड कासा ब्वज्या जुल । गुकी डासम्हा स्वयो अपःसिनं ब्यतिकःगु खः ।

क) युवा व लाहातय् ज्याः

- अन्तरराष्ट्रिय युवा दिवसया लसताय नगरया हिंगुंतुं वडाय् 'लागु पदार्थ दुर्व्यसनिं तापाक्क तय्ता युवा ब्वनामिपिनिगु भूमिका' शीर्षकय् अन्तरक्रिया ज्या

भ्वःजुल ।

- नगर क्षेत्र दुनय् लघु-उद्यम विकास पाखे ३३ म्हा लघु उद्यमी त मध्ये २० म्हा उद्यमितय्ता अज बांलाक ह्छ्याय्ता पुनर्ताजगी तालिम बियता सहजीकरण याता ।
- थुगु आ.व. सं लघु उद्यमया लागिं ब्याग भोला दय्केगु तालिम, छँगुया लकां दय्केगु तालिम, मोबाइल दय्केगु व मोटर साइकल ल्हवनय्गु तालिम काथं प्यंगू तालिम बियगु ल्यःगु जुल ।
- ल्यासे ल्याम्होपिनिगु सीप च्व जाय्केत थःगु तुतिखय् दानय् फयकेता चिनियाँ, जापानी भाय स्यनय्गु, ग्याँस चुल्हो ल्हवनय्गु, सुज्या सुयगु मेसिन ल्हवनय्गु, आधारभूत व एडभान्स सिलाइ तालिम, ज्वरययाय्गु शिक्षा, साँ च्याकय्गु, बुटिक व जग्गा नाप जाँच तालिम थजगु सीपमूलक तालिम बिल ।
- प्रधानमन्त्री रोजगार कार्यक्रम पाखं थुगु नगर दुनयया ३५० म्हा नगरबासीपुं ज्या मरुपुं बेरोजगारया धलःखय नां जःपुं जुल । गुकिमध्ये ६५ म्हा ज्यामरु पिन्ता म्हवचा नं सचिद्वतय्या रोजगारी ब्यूगु जुल ।

ख) सहकारी

- खवप नगरपालिका दुनय् चाय्कःतःगु सहकारी संस्था तय्ता नियमित अलय व्यवस्थित याडः छ्यें छइथाय् जक लाय् छ्यय्केता प्रोत्साहन याय्ता सहकारी संघ-संस्थाया कर्मचारी व पदाधिकारी पिनिगु दश्वी सहकारी संस्थाया न्हा व अः या अबस्था व समसामयिक विषयलय् अभिमुखीकरण ज्या भ्वः जुल ।
- खवप नगर दुनय् चाय्कःतःगु सहकारी संस्थाय् मुडः तःगु सामुदायिक विकास कोषया धेबां खवप अस्पतालया अक्सिजन प्लान्ट व स्वास्थ्यया मेमेगु लागाय् खर्च याडः च्वंगु जुल ।

सचिद्वत पीगुगु खवप पौ. ब.द्वि पौ(पाद्विक)

ट) विकास निर्माण

- थुगु चालु आ.व. या खुलाखय् थी थी हिंस्वंगु योजनात क्वचःगु दःसा मेगु ६२ गू योजनात न्ह्याकः च्वंगु दः ।
- खवप नगरपालिका वडा नं ६ देकोचाय् ११०० सीट क्षमताया २८ पी जग्गाखय् दयक च्वंगु अरनिको सभाभवनय् न्हपांगु चरणया ज्या क्व चाय्कः नेकगु चरण या लागिं टेण्डर प्रक्रिया जुयो च्वंगु दः।

विविधः

- देको-मिबा इटापाके आवास योजनां बुँ थुवःपिनिगु जग्गा लिता बियगु ज्या जुयो च्वंगु दःसा गुनासोकर्ता पिनिगु चित्त बुभय मज्गु खौं न्यनय्गु ज्या नं जुयो च्वं दः अलय संशोधन नक्सा काथं पूर्वाधार नं दयक च्वंगु दः ।
- मदिकक बजार अनुगमन याडः नय मज्गुगु बस्तु मिद्वपिन्ता ज्वडः, धः तालाजु खय् उथिं ग्यंकय्गु याडः उपभोक्ता पिन्ता भिं जुइगु ज्या याडः च्वंगु दः।
- चालु आ.व. २०८१ /८२ श्रावण १ गते

- निसें पौष २४ गते तक खय् २०३ वटा नक्सा दर्ता, १५३ गू नक्सा पास, ६१ गू निर्माण सम्पन्न दसि पौ बियधुंकगु जुल ।
- थुगु नगर दुनय् आ.व. २०८१/८२ सं ७२४८ म्हा सिता बैंक व वडापाखं सामाजिक सुरक्षा भत्ता इडः वयो च्वंगुदः ।
- चालु आ.व. २०८१/८२ सं थुगु नगरपालिकाय् चीनया शान-नान सहरया प्रतिनिधि पुचः, चीनया साड्घाइ नगरपालिकाया परामर्श समितिमा महानिर्देशक मो फुछुन्, चीनया सिचुवान सहरया प्रतिनिधिमण्डल, क्यूबाया कार्यवाहक राजदूत अबेल अबाले डिस्पेन्ज, दक्षिण कोरियाया चेओरन नगरपालिका प्रमुख, प्रशान्त लागाया विश्वविद्यालय साधारण सभासं ब्वति कःपुं बिदेशी प्राध्यापक पुं, चीनया छिड हाडः प्रदेशया प्रतिनिधिमण्डल पुं थुगु नगरपालिकाय् भःगु जुल ।
- थुगु इलय पोखरा महानगरपालिका, नेपालगञ्ज उपमहानगरपालिका, मेलम्ची नगरपालिका, फिदिम नगरपालिका,

- दार्जुलाया महाकाली नगरपालिका, चितवन जिल्लाया राप्ती नगरपालिका, स्याङ्जा जिल्लाया फेदीखोला गाउँपालिका, दार्चुलाया अपी हिमाल गाउँपालिका प्रमुख, उपप्रमुख पुं नपां कालिकोट, गोरखा नपां जिल्लाया थी थी स्थानीय तहया प्रतिनिधि मण्डलं खवप नगरपालिकाय् अध्ययन/अवलोकन भ्रमण यागु जुल ।
- थुगु नगरपालिकां खवप टेलिभिजन निःस्वाडः २०८१ जेठ ३० गते निसें परीक्षण प्रशारण न्ह्याकल ।
- चालु आ.व. २०८१/८२ या पुस २४ गते तकया २२५ गू मुद्दा फछ्यौट जुल ।
- खवप नगरपालिकां शिक्षा, स्वास्थ्य उपचार, ल्यंकःम्वाकः भिकः तय्गु, सुचुकुचु, विकास निर्माण थजगु ज्यात स्थानीय जनताया साथ व ग्वाहालि कायो ज्या साडः वगु नपां अपलं पंगःत दःसां संविधानं क्यंगु काथं खवप नगरपालिका समाजवाद उन्मुख लौपुइ हज्याडःच्वंगु दः ।

सुनिल प्रजापति, खवप नगर प्रमुख
२०८१ पौष २६



स्वनिगःया बृहतर गुरु योजनाया नामय् गनां देश विदेशी ऋणं दुंकिगुला ?



नगर प्रमुख सुनिल प्रजापति

बिचः याई । अः देशय् अपलं नेतात दः धःसां राजनेता मरुगु मति तयो चवंगु दः । सरकारय् वानिपुं नेतातय्सं सच्चिद्वत लिपाया नेपः दे गजगु दयकेगु धायगु मति व स्वपुकुनं स्वयो चवंगु

योजना न्ह्याकयगु अधिकार बियो तःगु दः । ७५३ गू पालिका तयूता मः काथंया चिच्या-चिया हांगु आवास योजनात न्ह्याकय बियो नेपः या सरकारं मः काथं आर्थिक, भौतिक व प्राविधिक ग्वाहाली याय् मः । खवप नगरपालिकां अः १६५३ पी जग्गा सं देको मिबा- इतापाके आवास योजना न्ह्याकः चवंगु दः । श्वनं हाँ खवप नगरपालिकां स्वंगू आवास योजना बांलाक न्ह्याकय् धुंकल । मेगु पालिकातयूता नं थजगु योजनात न्ह्याकय् बियमः ।

ज्या इवः या पिब्वयामि किशोर थापां स्वनिगःया नेवःसंस्कृति व सभ्यता ल्यंकः म्वाकः तय मःगु, जलवायु व खुसी भिंकः ल्यंकः तयमःगु स्वनिगता पर्यटकीय मू थाय् काथं हछ्याय् मःगु नपां देश विदेशीतयूता आकर्षित याय्गु थाय् दयके मः धायोदिल । अलय स्वनिगलय् जनसंख्या पानय्गु खाँ न्हि थाडः मदी । अःनीडादा लिपा ५५ लाख जनसंख्या थ्यनिला दक वयकलं धायोदिल अलय् उकिया व्यवस्थापन गथे याय्गु धायो मदी । उब्लेतक स्वनिगः छँ छँ जक जायो जीवन अखय्ला थखय्ला दै मखुनि ।

मरु । दलया स्वार्थ पूर्वाकयूता प्रजातान्त्रिक मूल्य व मान्यताया अखः सरकार दय्कि । अलय् सरकारय् चवडः चवनयूता ज्यगु मज्यगु फुककं ज्या याडः च्वनि ।

संविधान घोषणा लिपा देशय गक्व गक्व नगरपालिका दक क्वःछिता । गुलिनं पालिकातय्सं ५०-६० लाख तका हे आन्तरिक आय (आम्दानी) मरु । गथे नगरपालिका न्ह्याकयगु ? धः व निकासया बन्दोबस्त, त्वनयगु नाः, बसपार्क, फोहर मुनयगु डम्पिङ्ग साइटया छुं नं व्यवस्था मरु । मः काथंया पूर्वाधार दय्के धुंकः जक नगरपालिका घोषणा यागु जुसा अः याय्थें देशां देछिया नगरपालिकात भद्रगोल मजुइगु खः ।

जिमिसं धायो चवडा स्वनिगःता सांस्कृतिक राजधानी काथं हछ्यायूता राजधानी दाड्य ल्हयय मः । देया माथां वांक विकास यायूता संघीय राजधानी पश्चिम पाखय् तयगु बांलागु लाँपु नं खः । दाड व देउखुरी एशिया याय् तःतः हांगु उपत्यका मध्ये खः । प्यख्यरं पहाडं मुलः चवंगु उगु थाय् सुरक्षाया ल्याखं नं तस्कं बांलागु थाय् खः । देया दकलय् अपः सरकारी जग्गा दःगु जिल्ला नं दाड हे खः । आना पूर्वाधारत दयकेता जग्गाया समस्या नं वैमखु ।

मेम्हा पिब्वम्हासिनं रोडम्याप मरुगु, निजी छँत गथे याडः ल्यंकः तय्गु धाय्गु छुं नीति मरु धाय्गु खाँ न्हि थाना । अथे खः सा राष्ट्रिय योजना आयोगया ज्या छु ? राष्ट्रिय योजना आयोग छाय् माला ? श्व हे विषयता दश्वी तयो थःगु विचः प्वंकय् ।

अः यें दे प्रदुषण, यातायात जाम, अपराधीत अप्वयो वगु, त्वनयगु नाः मदयो मनूत चवनय् मफैगु थाय् जुयो वल । थजगु इलय् स्वनिगलय् १ लाख पीया छगू (१०-१० हजार) द्दछि- द्दछीपी या स्वंगू आवास योजना हछ्यासेलीं कन्हेया स्वनिगः गथे जुइगु जुई ? जिम्मेवार पदाधिकारी पिसं विचः याय् मःगु खः ।

अव्यवस्थित निजी प्लानिङ्गता प्राधिकरणं हचुवाया भरय् स्वीकृत ब्यगुलिं स्वनिगःया लकस अपलं स्पंगु खः । वर्षाया इलय् खुसी नाः स्वयो अपः चा व भेतय् चुइकः हैगु । निजी प्लानिङ्ग याय्गु ज्या काठमाण्डौ उपत्यका विकास प्राधिकरणं कडा याडः थःगु लाहातय् लाकः पानय् मः ।

राजनीतिक दलका नेता तय्सं वर्तमान निसे मेगु चुनावया निंतिं जक स्वइगु खाँ जनतां धायो वगु दः । राजनेता तय्सं जक सच्चिद्वत लिपा थयंकया देशया बारे

अः स्थानीय तहता नं आवास

अः छगू पालिकां याड नं व्यवस्थित सहर दय्के फैं मखु । अपलं



थासय् खुसीता पालिकाया सिमाचिं याडः तःगु दः । खवप देया खायँ धाय्गु खःसा गुलिं थासय् हनुमन्ते खुसी व कासाड खुसी सिमाचिं खः । खुसीया जवं खवं पी आइडी पाइप लाय धुंकगु दः । अलय् उगु खुसी सूर्यविनायक व चाँगु नारायण नगरपालिका जुयो वैगुलिं आना सफा मजतलय् खवप नगरपालिका याकचां न्ह्याक्व हे सफा याय धःसां फैं मखु । खवप नगर दुनय् हनुमन्ते व सल्लाघारी याडः नेथाय् फोहर नाः प्रशोधन केन्द्र दय्कः च्वंगु दः । व गुब्ले सिधै । धाय् हे थाकु ।

वागमती खुसी सफा याय्ता सरकारं अरबौं तका दां खर्च याय् धुंकल । अथेनं खुसी धाय्छिंक बांलाकय् मफः । खुसी फोहर जूगुया मू हुनि अव्यवस्थित सहरीकरण फोहर फुक्क खुसी जुकय् हैगु, खुसी थिडकः बस्ती विकास व खुसीत्यल काइगुलिं खः । स्वनिगलय् जनसंख्या पानय् मःगु अवस्था वय धुंकल । उकिया लागिं स्वनिगलय् थानाया स्थानीय मनूतय्सं जक छँ बू न्याय् मिय दैगु कानुनी व्यवस्था याय् मः । खवप नगरपालिकां नेदा-स्वदा हौं हे थुकिया अभ्यास याय् धुंकल । सर्वोच्च अदालतं संविधाननपां ल्वागु खाँ काडः खारेज याडः ब्यूगुलिं व ताई तक छ्यलय् मफूत । अथे कानुनं

संरक्षण याय्गु मस्वता धःसा स्वनिगः या धेबां काय् मरुगु ज्व? मरुगु सम्पदात ल्यंकः म्वाकः तय फैं मखु ।

स्वनिगलय् मल्लकालीन व लिच्छवी कालीन सम्पदात अः तक ल्यंकः म्वाकः तःगु दः नि । सम्पदा राज्यया जक मखु विश्वयाय् हे सम्पति खः । उकिता ल्यंकः म्वाकः तय्गु सकलसिया कर्तव्य खः ।

प्राधिकरणं विश्व बैंक एशियाली विकास बैंक, अन्तर्राष्ट्रिय मुद्रा कोषकय् खबौं ऋण कायो आवास न्ह्याकय्गु बिचः यागु खः सा छु व देता गालय् क्वफ्वाय् तांगु जः जक मखुला? फुक्क सचेत जुयमः अः २६ खर्ब सार्वजनिक ऋण दयधुंकल । दे ऋण पुलय्ता मेगु ऋण कायो पुइके मःगु अवस्थाय् थ्यन । कर्मचारीपिन्ता तलब नकय्ता हे राजश्व मगाय् धुंकल । वांगु डालाखय् पुँजीगत खर्च ११ प्रतिशत दःसा मुक्कं २८ प्रतिशत जक राजश्व मुनय् फःगु पिनय् खानय् दता ।

स्वनिगः ता च्वनय् छिंगु थाय् काथं हज्याकय्ता स्वनिगः पिनय् चिच्या-चिच्या हांगु सहरत दयके मः उकिया लागिं मन्त्रालयं आर्थिक व प्राधिकरणं प्राविधिक ग्वाहाली याय्मःगु खानय् दः । स्वापु दःगु पालिका नपां स्वापु तयो हज्याय् फःसा

जक न्ह्यागुनं योजना पू वानि ।

स्वनिगः भ्वखाचाय्गु ल्याखं तस्कं ग्यापुगु थाय् खः । भू गभंविदपिनिगु धापु काथं स्वनिगः या बाँ (भू धरातल) तस्कं कमजोर मेथाय् नं हयो ल्हाडः तःगु पुरुवा चा थजगु थाय् । थव थासय् थानाय् भू वनावटं फय मफैगु काथं तः तः हांगु भौतिक संरचनात दयकः च्वंगु दः अः याय्थें हे मदिकक अजगु संरचनात दय्कं च्वंसा स्वनिगलं तः तः हांगु दुर्घटनता फय माली तिति ।

जनप्रतिनिधिपिनिगु निर्देशनय् आयोजनात न्ह्याकय् मः । मेगु छुं नं संयन्त्र दय्के म्वैः । थव हे प्रजातन्त्र खः । मफूगु पालिकाता फय्केता संघ संस्कारं ज्या याय्मः ।

वस्तीया चाकलीं बाँभ्र जग्गा तय्गु नं याय् मः । अः याय् थें यो यो थाय् बस्ती तय्के ब्यूसा कन्हे वयो स्वनिगलय् सास हे ल्हाय् थाकुई तिति ।

(पुस २१ गते काठमाण्डौं उपत्यका दीर्घकालीन सोच निर्माण तथा वृहत्तर भौतिक विकास गुरु योजना तर्जुमाया कार्यशाला गोष्ठी सं खवप नगरपालिकाया प्रमुख सुनिल प्रजापति जुं बियो द्यूगु न्वचुया भाय हिला सं.)

संघीय राजधानी मेथाय् ल्हयय्ता छलफल याय मः

विवेक

७५३ गुंतुं स्थानीय पालिकाय मः काथंया पूर्वाधारत दयकः माथांवांक विकास मयासें मगा । नेपः मिपुं बसाई थःगु जिल्लायसं जक सरय् जुय्दैगु याय्ता कानूनी व्यवस्था दय्के मः । संघीय राजधानी येँ नं पश्चिम नेपालया दाङ जिल्लाय् ल्हययो नेपः या विकासया न्हेंगु अभियान न्ह्याकसा बांला जुई ।

चवययां खाँ नेपाल मजदुर किसान पार्टीया न्हय्कगु महाधिवेशन लिपा चवंगु स्वीखुकगु केन्द्रीय परिषदं पारित यागु प्रतिवेदनया छगू अंश खः । नेपाल मजदुर किसान पार्टीया केन्द्रीय परिषद २०८१ पुस १, १० व ११ गते क्वचाल । राजधानी ल्हयय्गु खायेँ न्हेंगु संविधान दयकेगु इवल्य् अपलं बहस व छलफल धःसा मजगु मखु । संघीय राजधानी येँ नं दाङ्य् ल्हय्गु वा चितवनय् ल्हयय्गु प्रस्तावत नं संविधान सभाय् वगु खः । नेपाल मजदुर किसान पार्टी राज्यशक्ति बाँडफाँड अल्य् राज्य पुनः संरचना समितिसं पिबवगु संघीय नेपः या अवधारणापत्रख्यं नं 'गणतन्त्र नेपः या राजधानी दाङ्य् जुई' दक न्हिथाङः तः गु दः ।

राजधानी धाय धुनयवं मन्तय्ता मद्यक मगागु सेवा-सुविधा, ज्या, व्यवसाय फुक्ककाथं अःपुक काय्फैगु शहर जुयमः दक धाई । बां बां लागू बवनय्कुथित कलेज व विश्व विद्यालयत, तःतः हांगु अस्पतालत, टेलिफोन, बां बां लागु नपां सुविधां जल्गु होटेलतः तः ब्यागु व चिटिक्क बांलागु लाँया ब्यवस्था दयमःजक मन्तय्सं कल्पना याई । अथे धाय्

मन्तय्सं राजधानी धालकिं देशया मेमेगु थाय् स्वयो सुविधां जःगु व विकास जुय धुंगु थाय् काथं मति तई । उकिं हे अपलं मंत्रीत सांसदपिसं थःगु छँ सतिक राजधानी तय दःसा ज्यू दक मति तै । अमिसं देश व जनताया नितिं उकिं गुलि बांलाइ धाय्गु स्वयो थः व थःगु निर्वाचनया लागाया मतदातापिन्ता भिं जुइगु स्वयो जक खाँ ल्हः जुई अमिसं देया भिं जुइगु स्वयो नं लिपाया चुनावय् थः त्याकय्गु काथं जक स्वई । भनीपुं नेता व मन्त्री धःपुं थजगु चिचयामन त्वःतः भ्या भाति हे थाहाँ वय मफूनि ।

राजनेतातय्स्यां अःयाय्गु जक मस्वसें सलंस दाँ लिपा थयंकया बिचः याङः देश व जनताता भिं जुइगु काथं खाँ ज्या न्ह्याकय् मः । अजगु मतिं ज्या सानिगु पाटी अल्य् नेतात र्व, गना दः ? हःनय वगु जक स्वयो चुनाव त्याक थःगु जक भिं जुइगु स्वइपुं राजनीतिक कार्यकर्ता व नेता जुय फःसां राजनेता धः सा जुय फै मखु । नेपाल मजदुर किसान पार्टी राजधानी ल्हयय्गु खाँ न्हिथां बलय् यक्वसिनं कुं मखिगु नं मखु । मेपुं नेता तय्सं थःगु लागाय् राजधानी ल्हययो यंकय्ता तस्कं कुतः याङः जुला । अल्य् नेपाल मजदुर किसान पार्टीया बल्लागु संगठन दःगु स्वनिगलं (राजधानी) छाय् राजधानी हिइके जक हः जुला ? धाय्गु अपलं जिज्ञासा व न्हयसः नं उब्ले मवगु मखु ।

राजधानी ल्हयय्गु आपासिकं अःपुगु ज्या धाथेँ नं मखु । उकिया नितिं यक्व तः तः हांगु पूर्वाधारत दय्के मनि । राज्यया न्हयलुवा जुयो चवंगु

दलत तयार जूसा व नं मफै धाय्गु मरु । देयाता मः काथं व माथांवांक विकासयाय् मः धाय्गु खःसा अजगु पला न्ह्याकय्ता नं राज्य लिफः स्वय् मज्यू ।

अः या राजधानी येँ अस्त व्यस्त जुयो चवंगु दः । यातायात जाम, त्वनयगु नाः मदयो हाहाकार, अपराध न्हियान्हिथं अप्वयो वगु दः, धू व कुँ या प्रदुषण थजगुलिं याङः येँ दे मनु चवनय थाकु गु थाय् जुयो चवंगु दः । श्व म्हेगः स्वयो थौ प्रदुषित जुयो वगु दः । प्रदुषणं याङः हे स्वनिलय् चवं पिन्के दम, म्वसः वैगु थजगु श्वास प्रश्वासया अपलं ल्वयत नपां मे मेगु मपुनिगु ल्वयत अपलं खानय् दयो वल । अज शासक दलया नेता कार्यकर्तापिसं स्वनिगः या लुँ सैगु जग्गाय् थः ता काथं छिं काथं निजी प्लटिड याङः यःयः थें याङः लकस स्यंक वयो चवंगु दः । बर्षाया इलय् भातिचा तःसिकं व वसानपां हे नाः स्वयो अपःचा चुइकः हैगु नं थुकिंयाङः हे खः । तः तः सितं व वैबलय् यां मति मतया काथंया क्षतित फय मालिगु खाँ स्वनिग्या मन्तय्ता धाय् हे म्वः । अजगु अप्रिय घटनात म्हवचा याय्गु खः सा राजधानी ल्हयय्गु बाहेक मेगु लाँपु मरु । न्हेंगु संविधान दयकागु इलय् वथेँ बांलागु ई मेगु मरुगु खः । नेपाल मजदुर किसान पार्टी मदिक्क कुतः याडा नं उगु प्रस्ताव हज्याय् मफः ।

अः हकनं थुगु न्हयसः छाय् न्हिथानय बह जुलाल्य् धः सा थुगु इलय् ने. का. व एमालेया गाथी सरकार न्ह्याङ चवंगु दः । अः याय्गु सरकार

संविधान पीगुगु स्वप पौ. बःखि पौ(पाक्षिक)

संविधान हिलयगु मू खाँ (एजेण्डा) खय सहमति जुयो दयकगु सरकार खः । संविधान हिलयगु इलय मे मेगु खाँ नपां राजधानी मेथाय हिलयगु खाँ नं छलफल जुयमः । हलिमयया इतिहास स्वयगु खःसा अपलं देशय राजधानी ह्युगु नं दे दः। भ्नी जलाखाला दे भारतयायगु न्हपा राजधानी कलकत्ता खः लिपा नयाँ दिल्ली ल्हयला । पाकिस्तानया राजधानी न्हपा कराँची खः सा अः इस्लामाबादय तय यंकला । रसियाया राजधानी न्हपा पेट्रोगाड खःसा लिपा मस्कोय याता । श्वयां छगू नेगू दसु जक खः । हलिमयया अपलं देशं थःता काथं छिंथाय राजधानी ल्हयोगु दः ।

नेपाल मजदुर किसान पार्टी छाय दाडय हे राजधानी ल्यला ? छु धात्थेँ येँ दे या अस्तव्यस्तता स्वयोजक खःला ? उलिजक मखु पूर्वी नेपाल पूर्वाधारया मिखालं स्वयबलय गुलि विकास जगू दः उलि पश्चिम नेपालया जगू खानय मरु । नेपःया गुलिगुलि पश्चिम पाखय वाना उलि उलि हे म्हवचा जक विकास जगू खानय दः । छु श्व धात्थेँया खाँ मखुला ? दे डांक माथांक विकास याय्या लागि अथे राजधानी ल्हयगु बांलागु ज्या जक मयासेँ मगागु जुय धुंकल ।

दाड छाय राजधानी याय लाइक धःसा उगु जिल्लाया दाड व देउखुरी नेगु उपत्यकात दक्षिण एशियायाय हे तः हांगु उपत्यका मध्ये ला । प्यछयरं पहाडं मूलः चवंगुलिं सुरक्षाया ल्याखं नं तस्कं पायछि जूसा उगु थाय भारतया सिमानां ५० कि.मि. स्वयो तापाकक हवाइ दुरीखय ला ।

अः स्वनिगःया पालिकात नपां देशां देछिया पालिका तयसं फयो चवंगु समस्या फोहर थासय लाकय मफूगु

खः । स्वनिगलय सरकारी जग्गात म्हवचा जक दता । स्वनिगःया सिसडोल व वञ्चरेडाँडाय फोहर थासय लाकयगुलि समस्या वयवं स्वनिगः व्याकः फोहर थासय लाकयगु समस्या वै । अलय दाडय यक्व हे सरकारी जग्गात दः । सरकारी स्वामित्वखय दकलय अपः सरकारी जग्गा दः गु जिल्ला नं दाडः हे खः । आना सरकारी पूर्वाधारत दयकेता, फोहर थासय लाकयगु यातायातया व्यवस्था नपां राजधानी तय्या लागि मः काथं निर्माणयायता छुं काथंया समस्या वैगु खानेमरु । प्रशस्त जग्गा दः गुलिं अन्तरराष्ट्रिय स्तरया विमानस्थल दयकेता नं आना छुं हे समस्या खानय मरु ।

त्वनयगु नाः या समस्या वैला धायगु खाँ आनाया खुसी व नाः छुँत बांलाक व्यवस्था याय फःसा अजगु समस्या मवैगु आनाया विज्ञपिनिगु धापु दः । न्हयाकाथं स्वसां अः नेपाल भूभाग दुनयँ केन्द्रीय राजधानी दाडय हे तयगु हे दकलय बांलाइगु खानय दः ।

चितवनय तयगु खाँ नं खाँ मवगु मखु । अलय चितवन माथांगु (समथर) भूमि, राजमार्ग नपां स्वागु नपां भारतया सिमा नपां सतिगुलिं सुरक्षाया ल्याखं पायछि मजु । राजनैतिक दलपाखं बरोबर याइगु राजमार्ग बन्दं नं पुरै देश अस्त ब्यस्त जुय फः । भारत नपां छुं नं खायाँ विवाद जुय वं हे राजधानी न्हयाबलेँ असुरक्षित मतिं तयो चवनय मालय फः ।

राजधानी ल्हययगु धायगु छन्हू खं हे वा दाच्छिया दुनय हे ल्हयय फैमखु । अलय सोच व चिन्तन धःसा मयासेँ मगाय धुंकल । उकिया नितिं यक्व यक्व कुतः नपां ब्यवस्था यायां

यंकय मः । उकिया लागिं अः निसेँ भूगोल, लकस, पूर्वाधार (हःनय याय मःगु ज्यात) त्वनयगु नाः सुचुकुचु यातायाय याय खाँ सः स्यू व थूपुं विज्ञपुं नपां छलफल अन्तरक्रिया याडः मदिकक ज्या इव न्हयाकय माला । कन्हे वैगु छगू छगू समस्या बिचः याडः उकिया ज्यंकयता अलय उकिया पलिसा (विकल्प) या लौपुं न्हपा हे लुइकः तःसा कन्हेया लागिं अः पुइगु विश्वास याय फै ।

संविधान ल्हवडः भिंकयगु खाँ छलफल याइ बलय राजधानी ल्हययगु खाँ नं छलफलय दुथयाय मः । छगू छगू राजनीतिक पार्टीं तयगु थः थःगु (स्वपुकुं) दृष्टिकोण दै । तः स्वयो तः हांगु मेगु छुं जुय फै मखु । स्वनिगया मनूतयसं फयो चवंगु समस्यां तापाकयगु खःसा लिपा थयंकया भिं यायता राजधानी हिलयगु बाहेक मेगु लौपु मरु ।

नेदा हाँ थें मेलम्चीया नाः छवयो हय मफैगु जूसा अः हे येँ देशय त्वनयगु नाः मदयो मनूत म्वाय फैगु स्थिति मरु । न्हियानिहं धायथें जूयो च्वनिगु हत्या हिंसा व लुटपाटया घटनां सरकार असक्षम जक क्यडः चवंगु दः । व स्वया नं देशां देछिया मनूत स्वनिगलय हे चवनयगु मति जायो वसेलिं अः येँ देशय चवनयगु थाय मखयो वय धुंकल ।

फुक्क मनूत स्वच्छ व स्वस्थ (भिंगु, बांलागु) जीवन हानयता वहे काथंया लकस दयमः । उकिया लागिं नेपाल मजदुर किसान पार्टीं देया भूगोल व विशेष याडः दाडः जिल्लाया राजधानी ल्हयायगु प्रस्ताव तस्कं पायछिगु इलं फवडः चवंगु काथंया बांलागु प्रताव खः । श्व खाँ ज्या हज्याकयता स्वापु दःपुं फुक्क पक्षं अध्ययन याडः मस्वसेँ मगा ।

चिकुलाया छगू नखा द्यो चाकु सङ्क्रान्ति

आशा कुमार चिकंबञ्जार

चिकुला बलकिं म्हाय् जिउ लवसा लाभा व लाभाहाँगः या लवसा मकः पानय्गु नं हिटरं थाय् काल । मदयक जुयमः पुं गरिबी थुरू थुरू खाकः महोत्सवय् नं बवय मखां थें चवं, वंकेँ अलय् व चिकुलां बुईं ज्या सानिबलय् जुय मःगु म्हा, नुगः चा थारा भी अजा अजिपिसं छुचुं या थारा खाकः जुयमः पुं ज्यापु ताकु श्वेँ, पोकचा श्वेँ त्वंकिगु ज्यामिया म्हागसय् पू गाइगु नपां थाय् वा बहनी छँ कायो छगू छगू ई श्व चिकुला । तःगु मुसगु ऐला त्वंकः याइगु मचः मगाया खौँ ख्वपया न्हँगु रसरङ्ग नं विदेशय लाहातय् पुस्तां सायद मथुय धुंकल थें लः वांसेलिं भीगु धेबा छता, चवं । अलय जात्रा नपां थः, नेता, तः ता याडः विदेशय थः नपां जात्रा स्वाडः लः वांथें विदेशं बवडः न्हियान्हियं शारीरिक ज्यायाड? वः पुं नपां वगु बलया ज्या त्व तः, म्हाय्पु विदेशी संस्कृति नं जलकुम्भिं म्हिइपुं छखय् छ्वयो नखा पुखु सुकथें सुकः यंकला । हानिगु चलन नं अः या उकिं भी दुनय् भी सालुयो पुस्ताया लागिं मया मगा कः वाडः भीगु म्हासिइका नं घाडः चवंगु संस्कार थें जक चिकुलां पु गाडः पुं नः थें जुयो बिइगु खः ला ? कन्हेया बुलुहुँ मू दुवा कताय्ता वयो सुज द्योवं धाईगु ज्वी । 'थः चवंगु भीसं सियानं भी सुंकः



ता थः मं म्हामसियो अति दुःख जुल रे' पुखां म्येँ त्वः त तकल ज्ञानमाला थें याडः । विद्वान पिसं धायो तकथें भी प्या चःसा कोक त्वनय् सयकल, पित्यासा चाउ चाउ' भीगु मूलया नाः त्वंसा स्यखं चाइहँ, तुथिया नाः पचय् याय् मफूत पूखां दयक तकगु सम्पति ।' चिकुलाया नसा, चुलाचा सकी, बुबः नपां ग्वार्चा चाउ चाउ व मः मः स्वयो जीवय्ता निं धाई अथेनं भीसं उगु नसा नय्ता कतः दुस्व वै दक ग्याड चवनय्गु । व गुन्चा व डाचा सकी न्हँगु पुस्तां नात्वनिगुयां छु मिखालं तक स्वय मखान धःसा मपाइला ? अलय् हाकुजाकीया जा, माडा सकीया केँ, बुलुचा, आम्ली अचार, लैचा

मैः हानय्गु, मल्ला मः हानय्गु तालिम बिय सःपुं ल्याखायँ माल थें चवन । अलय् सु छ्वाली मदयो वांसेलिं छ्वाली सुकु, पुतिसुकु, खिपसुकु, लाजापाया सुकुचां नं थी थी कार्पेटं थाय् काय धुंकल । गथे इवः भवय नपां भवेँ सुकु ताडः वाना अथेहेपार्टीं प्यालेसया नामं चिकुलाया लाखुनय्गु तःखा सडा ख्वायँ छ्याला मदयो वान । जः सि, न्याला नां जक ल्यनानि थें चवं । उकिं नेवः संस्कार दुनय नं संस्कृति नपां थाला बाला नं उपनिवेशया हाँगः ख्यडः हः थें चवं ।

चिकुलां New year ev मानय यात हँ थी थी विदेशी ऐला, बियरत त्वडः । अलय मि छ्वय्कः मि पानय्गु,

चवडः चवडा अलय् मसिया नं सिइकेगु कुतः मयासेलिं भव छयाडः चवंगु तुकया बा व कताडः चवंगु पाछैँ जिसाथें भी गाजलं दःगु बाली थें स्वालुयो वाडः चवन ।

भीगु नखा चखा गुगु तःहां चिच्या हां धाय्गु स्वयो नं भीगु मौशम नपां भीता ताजु यो वैगु नखा-चखा नपां भी न्हिलय् हालय् म्हितय् । छपला जीवन हज्याकय् । छताकि जिन्दगीया स्वः न्ह गय । नुगलय् वाय्के । थुगुसीया थुगु नखा नं क्वचालक । अथे नं गतां अजुगति मचाया । मेगु नेदाया नितिं तयारी जुय । छम्हा प्याखं म्वः थें । छगू धुंकः मेगुया लागिं जीवन वहे नखा

सच्चिद्वत् पीगुगु स्वप पौ. ब.छि पौ(पाक्षिक)

चखा नपां त्वाय चिं चिं तः हि जुई, जौवन फुई, ब्रह्म बैसय् थमनं नखा चखाया महत्व काँ कां थःमनं सियागु काथं मःमःगु सामान ज्वरय् याडः बिई । ताजि ताजि वस्तु नपां थमनं सियाथें महत्व कानी । वहे न्यगू स्वगू व छ्यःगु या भरय् नखा हाडः च्वनि । थुयो नं नखा हानी मथुसां नखा हाडः च्वनि । नखाता थः भपियो डःसा जकयां नखां थः डालिगु खः नि ।

चिकुलाया छगू मेगु नखा खः, घ्यो, चाकु, सड्कान्ति, अथे धाय् माघे सड्कान्ति नेवः नखा-चखा गुगु चन्द्रमाया तिथि काथं मानय् याई गुगु सूर्यया गते काथं । थुगु ध्योचाकु सड्कान्ति नं सूर्यया गते काथं माघ १ गते हे मानय् याई । अलय माघ लगय् जुल दकः ध- सा पुन्ही खुनुं निसें मानय् याई । मिला पुन्ही निसें माघ लगय् जुइगु माघ धलं दानिगु, माधव नारायणया व्रत न्ह्याकिगु नपां स्वस्थानीया बाखं कानय्गु सुरु याई । नेवः समाज बाहेकया जाति तय् धःसा माघ १ गते निसें जक माघ महिना मानय् याई । अलय थारु चौधरीतय् धःसा माघीता न्हँगु वर्ष काथं मानय् याईगु दक धः । अलय थुगु महिना धार्मिक महिना काथं लच्छीतक स्वस्थानीया बाखं काडः बितय् याइगु नं चलन दः ।

घ्यो चाकु सड्कान्ति (सल्लँ) खुनुं धःसा स्वनिगलय् घ्यो, चाकु तयो कला (कौला) याइगु चलन दः । पुगाडः, खसुं भुडः चिकुलां अतिकं ख्वाउँकः बिइगु इलय् जिउ क्वाकय्ता घ्यो, चाकु नैगुयां जुहे जुल । नपां तरू, काचिगु लाभामा वाल, बजि नपां नैगु चलन दः । अलय म्वँः ल्हूयो चिकं पाडः मां नं कपालय् ल्हुकुचाय् चिकं तकः चिकुला फय फयमः दक सुवः विइगु चलन धःसा अः सालुयो

वान । माघ ज्वःछि थाय् थासय्या दाफा - भजनया मनूत मुडः माघ हः वानिगु नं अः ताडः हे वान धः सां ज्यू । थुगु इलय् सूर्य मकर रेखाखय वानिगु काथं थुकिता मकर सड्कान्ति नं धः । अलय् हाम्बया लड्डु वा साख्ला (तिलौरा), (गुगु साख दाय्कः हाम्बसियो साख्ला खय् तयो तःगु छताजि नसा) नं नय्गु याई ।

पुलांगु ऋतु म्यँ काथं थुगु पतभर वा सुख्खा मौशमय् नं मिक् सुवं हवइगु धायो तःगु दः । थुगु म्यँ सं माघसं मिक् सुवं फार्गुनं तक सुवं, हवया च्वन वनसं धायो तः काथं माघया पुगागु ख्याउँगु फय्, चिकुलां पुक नं हवइगु सुवं या बारे नं च्वय मःगु खः । गुकिया अध्ययन अनुसन्धान याय् दःसा बांला जुई ।



प्रकृतिया लीला अपरम्पार जक धाई । मनू चिकुलां ग्वराचिथें स्वमा सिमा नं हः मदयो, हाय वाडः वसन्त पिडः च्वनि मनय् चुलिजाइगु आशा त तं । अलय् क्वः भ्वांगः (कोईली) नं सुंक च्वनि वा हाली मखु जक धाई । अथेनं प्रकृति नपां ल्वाइपुं मनूत नं मफ्यूसें, धोती छपु जक चिडः थाय् थासं सिलामं तुलः वैगु स्वय बलय् धर्म स्वयो अपः संघर्षया पर्याय खः ला धाय्थें च्वं । नपां गुलिं मिसात साँक्वय् लच्छि तक कष्टकर व्रत च्वडः स्वस्थानीया नैतिकबाखं अलय् धैर्यताया बाखं न्यँ न्यं

गोमयजु व चन्द्रावतीया व्यवहार न्यँ न्यं लावण्य देशया नवराज महाराजया चरित्रया बाखं न्यँ न्यं दिन बितय् याई । बाखं दुनय् धार्मिक खोलं तपुसां नैतिकता व पतिव्रता व महाद्यो व पार्वतीया मतिनाया कहानी जक मखु थी थी बाखं तं दथुइ दथुई वैगु याता वैज्ञानिक ढंग, मार्क्सवादी विचलं समीक्षा याय् दःसा अजनं समाजय् हाँ कायो च्वंगु बाखं पाखं मनूया मनमस्तिकय् न्हँगु समाजया नितिं ग्वाकिगु छुं बिचः बिय फँगु खः ला ? लोभ, पाप, सिकार, सत्यया जय जुइगु हरेक खँयाता वर्गीय समाज नपां स्वाडः कानय् मःथें च्वं । इतिहासय् सहिद शुक्रराज शास्त्री जुं महाभारतया कौरव थें राणात दक काडः दिला । धः थें समाजय् ह्युपा ह्युता उकिनं छुं भाति ग्वाहाली याय् फैला ?

बाखं कानिबलय् लाजा, मुस्या, बकुला, छुस्या अलय् बरं (बदाम) बाखापः काथं नकय्गु नं या । गुलिं स्वस्थानीया साफूति च्वयो तःगु साल काथं थुगु बाखं सलंस दाँ हाँनिसें काडः वयो च्वंगु खानय दः । प्रचलित लिपि अलय लिपा वयो देवनागरी लिपिं च्वयो तःगु नेवः समाजय् थुगु साफू दाच्छितक पुजायाड लच्छितक बाखं विधिपूर्वक कानिगु स्वय बलय साफू छँ श्रद्धा पूर्वक सुरक्षित याडः तय मः धाय्गु ज्ञान ब्यू । अभ अथे धाय् फःसा साफू न्याडः ति मफूसा कत याय्के ड्यो जूसां ब्वँ धःथें च्वं । श्व शिक्षा पाखं पठन संस्कृति च्वजाय्केमः धाय्गु मक्यंला ? अलय् ड्यो हयो उगु साफू ब्वनय धुंकः कापः न्हुगु रुमालं प्वः चिडः गुरु भःपियो उम्हा साफू थुवः ता लिता बियमः । श्व नं साफूता माया याय्मः धाय्गु नं ज्ञान क्यं । माघया महिमा थें ।

खँवः धइगु धधे नं जुइयः

नेपाल भाषाय् गुलिं गुलिं थुजोगु नं खँवः छ्यलातःगु दु गुगुया संरचना छगू हे जूसां निगूथें खनेदयाचवनी, अले थुजोगु खँव न्ह्य खँवः न्ह्यः खँवः व लिखँव जुयाः छथासं स्वानाः छगूहे थें जुयाः ला व लुसि थें प्यपुनाचवनी हानं थुजोगु खँव उच्चारण जुइबले आरोह व अवरोह जुयाः लयदार नं जुयाचवनी विशेषयानाः लोक भाषाय् मौखिक साहित्यया रूप्य थुजोगु खँव तः थौतक नं यक्वं छ्यलावं च्वंगु खनेदु गथेकि-

छगः आख यागु

सा - सासि । सु धिके जूगुलिं इमिसं सासि लहीगु त्वः ते धुंकल

स्वां - स्वांसिं । छःयात स्वांसिं छायाः बांलाक पुज्याना वा ।

गाः - गाःगी । लँय गाःगी दइ बांलाक स्वया हँ ।

छः - दः दी । जिमि नं छःदी पुज्यानाः भव्य नयेगु गुथि दु ।

निगः आख यागु

दुरु - दुरुदारू । आ. हानं दुरुदारू नं थिके याइगु हँ ।

भ्यगः - भ्यगः भिग । अप्पा कुतुंबयाः भ्यगःभिगः फुक्क तज्यात ।

मुलु - मुलुमालु । मुलुमालु नं मदु, लं पकें धार्यां ।

आखः - आखः पिखः। इमि छँय आखः पिखः मसःपिं धइगु सुं हे मदु ।

ल्युने निगः मा पलेसा छगः जक जुइगु

चवये - स्वयेची । वयेची धालाकि वया लहाहा मवं । नये - नयेनी। नयेनी याये धुंका बुलुहुं वने मालिका ।

धाये - धायेधी जितः धायेधी यानाबीपिं सुं मदु । ल्वाये - ल्वायेली । छिपिं स्वायेली छता यायेमते

स्वंगः आखः यागु

चाकला - चाकला.साकलाः। चाकला. साकलाःगु थलबल मुकाहि सापारू - सापारूसिपारू लिबात, सापारूसिपारू स्वयाचवने मखुत ।

बागः चा - बागःचा बिगःचा। इमिथाय् बागः चाबिगः चापिं मनूत

छम्ह हे मदु ।

चोलेचा - चोलेचाचिलेचा इमि चोलेचाचिलेचा ने सहिनातःगु दु प्यंगः आखः यागु

धनकुटा - धनकुटासनकुटा । धनकुटासनकुटा फुक्क चाः हिला वयेधुन ।

गथांमुगः - गथांमुखःसथांमुगः गथांमुगः सथांमुगः थें च्वपिं मनूत जक वयाचवने ॥

मंकाः खलः - मंकाःखलःसंकाःखलः।

मंकाः खलः संकाः खलयापिं मनूत नं फुक्कं मुनाचवने धुंकल अना

पाउडर - पाउडरसाउडर। व मिसा पाउडरसाउडर बुयाः

बांलाका बिला

खतु थुजोगु खँवः छ्यलेबले न्ह्यःनेयागु खँवःया जक अर्थ

दैगु खः, लिउने च्वंगु खँवःया अर्थ दैमखु । गुलिं

गुलिं लिउने च्वनिगु खँवःया स्वतन्त्ररूपं अर्थ

हे दःसां उक्रियात मान्यता बिइमखु,

गथेकि मूलगु खँवः जुल 'जा'। भीसं

छ्यला चवना 'जा' जाजि ।

जाजि नयाः याकनं वा

छ । वास्तव्य जा नाप


वयाच्वंगु 'जि' या नं स्वतन्त्र अर्थ मदुगु

मखु दु गथेकि जि वयाचवना, आः जि मचा मखु

इ । अथे नं जाजि धायेबले छगू हे अर्थ अथवा सगोलयागु अर्थ (जा क्यें इ.) जक भीसं थुइकाचवना । गुगुं खँवःया अर्थ धाःसा

थथे मज्जा गथेकि - जि लालि नयेगु त्वःते धुन । थन 'लि' या थःगु स्वतन्त्र अर्थ मदुसां ला नाप 'लि' प्यपुना वइबले मेगु अर्थ नं

दयाचवनी, गथेकि व मिसां महुतसिइ लालि छिनावल । हानं गुलिं



सच्चिद्वत् पीगुगु स्वप पौ. ब.छि पौ(पाक्षिक)

गुलिं थुजोगु खँगवःया छगूगा निता हे अर्थ नं लुयाच्चनिगु गथेकि सल-सलसिल । श्वयागु छगू अर्थ खः मन्तयसं गयाजुइमह सल (जनावर)। थौकन्हे लँय् सलसिल गयाजुइपिं मनूत खनेमदु । श्वयागु मेगु अर्थ खः सेयेकेगु सीकेगु गथेकि व मचा न्हापा स्वयाः आः गाक्कं सलसिल धायेमाः । हानं गुलिं गुलिं खँगवःया न्ह्यःने नं लिउने नं अर्थ दयाच्चनी गथेकि

(१) लासा-लासालिसा । बासं चवनाथाय् छनेत लासालिसा मदु ।

(२) लिसा - लिसालासा भव्य वनाथाय् लिसालासा नं तयेमहः। थथे हे चा - चाचि ।

(१) छँय् दनेत चाचि नं हयातये धुंकल ।

(२) क्यँय् चिचा गाः मगाः छं छुं मधाः । हानं गुलिं गुलिं खँगवःया धाःसा स्वाभाविक रूपं हे थःगु संरचनाकथं निगू अर्थ नं वडगु जुयाच्चन ।

गथेकि कासु - कासुबिसु ।

(१) लनेबले तौल मगात कि तडगु पाः। ताल्जु नं दु. धनं दु कासुबिसु मदु ।

(२) कायेगु बीगु, कालबिलया ज्या इपिंनाप जिमि कासुबिसु छु मदु । गुलिं गुलिं खँगवःया धाःसा न्ह्यःनेया छु रूप खः लिउने नं वहे रूप जुडगु गथेकि 'धाल' या धाल धाला वं धाल धाल वहे व जक न्ह्यथनाच्चन । थन 'धाल' या छगू हे जक अर्थ जसां थथे धाल धाल छ्यलीबले वहे छगवः खँगवल्य् विशेष जोड लानाच्चंगु खनेदइ । हानं गुलिं गुलिं थुजोगु खँगवःया अर्थय् नियमकथं मेगु जुडमाथाय् वेनियमकथं न्हापायागुनतुं जुयाच्चनिगु (इच्छा विपरीत कथं) नं बोधयाइ, गथेकि हल - हल । भव्य ग्य् च्वं ? भव्य ला 'हल हल फसिक्वाः' का ।

आः थुजोगु हे न्ह्यः खँगवः व लिखँगवः पुनरुक्ति जुयाः च्वंगु खँगवःत छ्यलावं यंकीबले गुबलें गुबलें अर्थया अनर्थ, अथे हे हानं अनर्थया अर्थ जुयाः थुजोगु खँगवलं सुयातं तंतिं पिकायेके बिइयः, सुयातं स्वबिखाबि नं पिचायेके बिइयः, सुयातं प्वाः त्युत्युं न्हिलेपिड नं मफयेका बिइयः, अले थुजोगु खँगवलं खँत्वाःखँभाय्, छुनाखँ नं पिज्वयेका बिइयः छगू दसु-

छकः छम्ह नकिंचां थः काय्यात धाल 'यः बाबु, छं अबुया सराध यायेत्यल । गुरुबाःयात छकः धया वा । गुरुबानं छु छु हलंज्वलं ज्वरे यानातयेमाः धाइ, न्यना नं वा ।'

कायम्ह बाबुचां धाल - "यः मां, दय् गुरुबाः याथाय् थत्थे हे वनाः जिं न्यना वये ।'

बाबुचां गुरुबाःयाथाय् वनाः मामं धाःगु फुक्क खं कन । दक्षिणा फयेदेगु, निसलाःपाः बीहैगु जुसैलि गुरुबाः मुसुकाइगु हे जुल । गुरुबानं लय्तातां बाबुचित श्व हयाति व हयाति धकाः फुक्कं खं कना

छ्यं ल्हुकुल्हुकु संकाः बाबुचा गुरुबाः या छं प्याहाँ जक छु वल, गुरुबाः नं झ्यालं वयात सःताः धाल- "ए! बाबुचा! छ भचा सुथां मलाः, जिं धयागु हलंज्वलं हयातये ल्वःमनि खंला ? फुक्क ताःलाकाति'

लिफः स्वस्वं बाबुचां धाल - "लुमं गुरुबाः, लुमं । गुरुबानं धाःगु फुक्कं लुमं तँलाभिलाय्, ताय् आखे, हामोहिमो, नस्वाः निस्वाः, पोतायसताय् घ्यःकस्ति, सादुरु, तछ्वचुं, हामो मखुला ? जि नुगः दु, ल्वः ममं गुरुबाः ।

गुरुबाः नं धाल - "धाः। बाबुचा ! सराध याकेत दकसिबय् माःगु छता वस्तु धाये हे ल्वः मन खनीका, व छु धाःसानि फिफा नं हयाति । फिफा मदयेक सराध या मज्यु ।'

बाबुचां छ्यं ल्हुकुल्हुकु संकाः लिसः बिल - "दय् गुरुबाः दय् थुलि धयाः बाबुचा लँय् बिचाः यायां वल - "फिफा... ।'

गुरुबाः सराध याकेत थ्यंकः वल । गुरुबाः नं हलंज्वलं ज्वरे यानाः तः मतः बिचाः याना जुल, अले छँया नकिंचिके न्यन - "निसलाःपाः ला खनेमदु ति ग्व?" नकिंचा मछालाः सीम्ह थें जुल । व छसासः यानाः छेलिं बैगः थ्यंकः वन, अले भौमचायात तःसलं धाल "जि अपायसकं हालाजुया, निसलाःपाः तिं ज्वरेया धकाः, ग्व ! निसलाःपाः गन तयातया ?" भौमचां काचाकाचां निसलाः पाः न्ह्यःने ब्वयेहल, अले धाल - "ध्याकुनय् तयातयागुलिं मखन का ।' नकिंचां निसलाः पातय् क्वथीक स्वत अले छ्यं हीका धाल - "ग्व थुकी चि हे खने मदु ।' भौमचां लिसः बिल "बजि दहेदत, मधिचधि दहे दत, हानं चि छाय् माःगु जुड ?' नकिंचां तःसः यानाः नवात- नं "गुरुबाःनं धयातःगु, चि धयागु अष्टधातुका । चि मदुगु निसलाःपाः गुरुबाः नं काइला ? नुगलय् हि मदुला छं?" भौमचां चि तये हल । नकिंचा निसलाःपाः ज्वनाः कुने थ्यंकः वन ।

सराध याकेत गुरुबाः फ्यतुत । बाबुचानं न्ह्यःनेसं च्वन । गुरुबाः नं बाबुचित धाल- "फिफा ग्वले ? गन तयातया ?" बाबुचां फिफ्वः न्ह्यःने ब्वयाः धाल - "फि श्व हे का फा जक नाय्चां पिने ज्वंकातया ।'

गुरुबाः नं तिन्हुयाः अजू चाचां धाल- "छु धया छं? बाबुचां वाताहां न्हिलाः धाल - "गुरुबाः नं फिफा धयागु मखुला ? फि श्व हे जुल, फा जक तःधिकःम्ह जुलकि बिसिउँ वनी धकाः मचाचाम्ह फाचा छम्ह नाय्चां पिने ज्वंका तयागु दु धयागु का ।''

गुरुबाः मि जुल । अले वाथाक्क दनाः गुरुबाः नं धाल - "का जि छं थाय् सराध याके मखुत, अशुद्ध जुल ।'

बाबुचां छु याये, छु याये जुयाः धाल - "आमथे छाय् अशुद्ध जुल धयागु गुरुबाः?" गुरुबाः नं बाबुचित दायैथे यानाः

सच्छिखत पीगुगुगु स्वप पौ, बःछि पौ(पाक्षिक)

धाल “नाय्चां पिने फाचा ज्वंकाः, छं अबुया सराध याकेत वयाम्ह ला जि ?”

सराध यायेत्यंथाय् हाः सः तःसः जुल । कीगः तिनीपिं म्हयाय्मचात, भौमचात फुक्कं कुने मुंवल । अले सकसिनं नं गुरूबाः याके क्षमा फवन ।

गुरूबाः नं दुने तंप्वः क्वत्यलाः बाबुचित सराध याकल, अले धाल “का, क्वलाय् च्वंगु तछ्वचुं न्हायाः पिण्ड ग्वारा च्युं ।”

बाबुचां गुरूबाः यागु ख्वाः तुलुहं स्वयाः पिण्ड ग्वारा च्युच्युं धाल “दय्, गुरूबाः दय् ” अनंलि गुरूबानं धाल - “न्हापां छं अबुया नापं पिण्ड छ ।” बाबुचां धाल - “न्हापां छं अबुया नामं पिण्ड छ धयाला गुरूबाः ?”

गुरूबाःनं जारांग तं पिकयाः धाल - “जिमि अबुया नामं मखु, छं हे अबुया नामं बाबुचां धाल - “जिमि अबुया नामं मखु, छं हे अबुया नामं धयागुला गुरूबाः?”

बाबुचियागु व्यवहार खनाः गुरूबाः भन् मि जुल । बाबुचिया मामं मिखास हाःगु ख्वाब हुहं ख्वखनासलं धाल - “गुरूबा, छु याय्, जि काय् भचा सुथां मलाः। तं छता चायेमते गुरूबाः । “ नकिंचियागु ख्वबिधाः खनाः गुरूबाःनं वाकु छयुछ्युं सराध याये सिधयेकल । गुरूबाः तमं लिफः हे मस्वसें अनं पिहांवन । उथाय् हे पिने नाय्चां तुतिइ खिपतं चिनाः बेकुंच्याना हः म्ह फाचा तिसलं हाल । गुरूबाः छपलाः यानाः छेंय् थयंकःवन ।

बाबुचा वाताहां च्वनाचवन । मामं वयात न्वायेथें यानाः धाल- ‘छ मचाया बौ जुइ धुंकूसां, धंग हे मदु छं । सराध यायेथाय् नं फाचा हयाति धायेगु ला छं? नुगलय् हि मदुला छं?”

बाबुचां ख्वखना सलं लिसः बिल- “गुरूबानं हे धयाहःगु जितः, फि, फा हयाति धकाः । हानं लिसा काकां धयाहःगु

ल्वःमनी छं धकाः । आः जिं छु यायेगु, फि धाल फि हया हे बिया, फा धाल, फा नं नाय्चां ज्वंकाः हयातया । भीसं फा थीमत्यः धाःगुलिं का, नत्रसा जिं हे थन हयातयेगु ।’

अले थ्व खँ न्यनाच्वपिं म्हयाय्मचात भौमचात सकलें न्हिलेपी मफयाः इतिइति न्हिलाः बिन्हा बि धाधां थाहांवन । नकिंचां जक हानं थः काय्यात धाल - “आः न्हयागुजूसं म्वाल, गुरूबाः याथाय् निसलाःपाः बिया वा, क्षमा नं फवना वा ।”

बाबुचा निसलाःपाः ज्वनाः गुरूबाःया छेंपाखे स्वयावन । उखे गुरूबाःया तं क्वलाःगु मखुनि, वया मातनय् बभां त्वनाचवन । निसलाः ब्यूवंम्ह बाबुचा स्वानय् थ्यनेवं “यः गुरूबाः यः गुरूबाः, धकाः सः तुतुं थाहांवन । बाबुचा खनेवं गुरूबाः नः कथि म्हयाः वाथाक्क दन, अले वं धाल “छु याः वयाम्ह छ थन ?”

बाबुचां ग्याग्यां लिसः बिल- “निसलाः ब्यू वयागु का, गुरूबाः।’ गुरूबाः नं मि जुयाः जरूक्क दनाः धाल- “आम फायागु किचलं गाःगु निसलाः म्वाः जितः । छ थर्थे थनं हूँ ।’ बाबुचां ख्वखनासलं धाल ‘गुरूबाः, तंम्बयेके मते । जिमि मामं निसलाः बिया वा धाःगु ।’

गुरूबाः नं तं पिकयाः हाःगु सः थ्वसेंलि, चुकय् च्वपिं जःलाखःलात छु जुल’ धाधां इयालं क्वस्वः वल । गुरूबाः नं बाबुचित कक्कु ती थें यानाः स्वानं हे कुतुवनी थें च्वंक छ्वातुछ्वानाः पितिना हल ।

बाबुचा निसलाः लितंतुं ज्वनाः छेंय् लिहांवल । वं स्वखनासलं थः मांयात धाल “यः मां, सराध याये स्वयानं निसलाः बिइथाकु खनी ।’ काय्यागु थ्व खँ न्यनाः मांम्ह अजू चायेकाचवन ।

गुबलें गुबलें थथे नं जुइयः खनी । अले नेवाः समाजय् थुजोगु खँ छुनाखँ (उखान) जुयाः लुमन्तिकथं म्वानाचवन, अकें थौतकनं धायेगु चलन दु - “सराध याये स्वयानं निसलाः बिइ थाकु (श्राद्ध याये अः पु निसलाः बिये थाकु ।)

इगाप

ख्वप नगरपालिका पाखं पिथाड च्वंगु स्वप पौ बः छि पौ खय् बांलागु च्वसु त बियो ग्वाहाली याड दिसं । उगु रचनाया ल्य ज्या याड पारिश्रमिक बियगु खाँ ख्वप नगरपालिकाया २०७७ श्रावण २६ गते च्वंगु बैठकं क्वः छ्यूगु खाँ ब्याक च्वडा ।

सम्पादक
ख्वप पौ

स्वप नगरपालिकाया ज्या भवः त

महिला स्वास्थ्य स्वयमसेविकापिनिगु नपालाय्गु ज्या इवः

पुस १५ गते



स्वप नगरपालिकाया हिगुं तु वडाया ज्या सानिपुं महिला स्वास्थ्य स्वयम सेविका पिनिनु दाच्छिया छकः नपा लाय्गु ज्या, इवः सं स्वप नगरपालिकाया प्रमुख सुनिल प्रजापति जुं स्वप नगरपालिकां स्वास्थ्य व सामाजिक लागाय् याडः च्वंगु न्हँ न्हँगु अभ्याससं महिला स्वास्थ्य स्वयम सेविकापिनिगु नं लाहादःगु खाँ ब्याकसे निःस्वार्थ जुयो जनताया सेवा याय्गु हे भिंगु बांलागु राजनितिया म्हासिइका खः धायोदिसे ख्वपया बिस्कं पहःया भिंगु अभ्यासं मेमेगु स्थानीय तहं नं डाल काय्ता स्वयो च्वंगु खाँ काडः दिल ।

स्वप नगरपालिकाया गवसालय जूगु डान्ह्या 'ख्वप महोत्सव' ग्वाहालिमि पिनिगु निःस्वार्थ भावनाया लिचवः खः

धायोदिसे वयकलं नागरिकपिसं थःगु सामाजिक दायित्व बहन याय्गुलि बः याय्मःगु बिचः प्वंकः दिल ।

वयकलं महिला स्वास्थ्य स्वयमसेविकापुं सामाजिक, आर्थिक, शैक्षिक रुपं छप्पा छधिजुयमःगु नपां अपुं सामाजिक कार्यकर्ता खः धायोदिल ।

स्वप नगरपालिका वडा नं ३ या का. वा. अध्यक्ष कृष्ण गोपाल चौगुथि जुं वडां क्वः छिगु सामाजिक ज्या इवः त महिला स्वास्थ्य स्वयमसेविका पिनिपाखं भिंगु, बांलागु साथ व ग्वाहाली दयो च्वंगु नपां निःस्वार्थ सेवा याय्गु वयकपिनिगु कर्तव्य खः धायो दिल । का.पा. या दुजः सुनिता अवालं वडाया जुइगु ज्या इवः सं वडाबासीपुं अपलं दुथ्याकय्ता महिला स्वयमसेविका पिसं बांलागु ज्या याडः वगु खाँ कुलः दिसे वडावासीपिन्ता ग्वाहाली याय्गु काथं वयकपुं हज्याय् मः धायो दिल ।

स्वप अस्पतालया निमित्त मेडिकल डाइरेक्टर डा. मजेश प्रताप मल्लं स्वास्थ्य स्वयमसेविकापिनिगु ग्वाहालीं ख्वप अस्पतालं स्वास्थ्यया लागाय् अपलं ज्या इवः त न्ह्याकय्ता तः लागू खाँ ब्याकसे वैगु दिनय् नं वयक पिनिगु क्वातुगु ग्वाहाली दैगु विश्वास प्वंकः दिल ।

उगु ज्या इवः महिला स्वास्थ्य स्वयमसेविकाया नकी बबी मैयाँ लघुया सभानकिलय् जूगु खः ।

सरकारं स्वप नगरपालिकाता विश्वविद्यालय चाय्के बियम

पुस १६ गते

शिक्षा, विज्ञान व प्रविधि मन्त्री विद्या भट्टराई जुं स्वप नगरपालिकापाखं चाय्कः तःगु शैक्षिक संस्था व स्वप अस्पताल स्वयो दिसे स्वप नगरपालिकां स्वप विश्व विद्यालय चाय्केता प्रक्रिया हज्याकः वगु खायँ मन्त्री भट्टराई जुं विश्व विद्यालय चाय्केता मः गु भौतिक पूर्वाधारत गथे दः जक स्वः भ्रुःगु खः ।

मन्त्री भट्टराई जु याता नेपाल मजदुर किसान पार्टीया छ्याञ्जे नपां संघीय सांसद प्रेम सुवाल व नगरपालिकाया प्रमुख सुनिल प्रजापति जुं स्वप नगरपालिका पाखं चाय्कः तःगु स्वप कलेजय् लसकुस याडः द्युगु खः ।

स्वः भ्वाय धुंकः जूगु छलफल ज्याइवः सं मन्त्री

भट्टराईजुं स्वप नगरपालिकां शिक्षाया लागाय् याडः वगु ज्या ब्वस्यलागू व च्वछाय बहजुगु नपां मेपिसं डाल काय बहगु खाँ ब्याकसे स्वप नगरपालिकाता स्वप विश्वविद्यालय चाय्के बियमः धाय्गु पक्षसं थः न्ह्याब्ले दःगु खाँ काडः दिल ।

स्वप विश्वविद्यालयया विधेयकता पूर्णता वियगु खायँ ता ई निसँ अपलं छलफल जुयोच्वंगु नपां थुकिता पूर्णता बियमः धाय्गु पाखय् थः सहमत जुयगु खाँ ब्याकसे वयकलं स्वप विश्वविद्यालय विधेयक मन्त्री परिषदय् थ्यंगु अलय आना बांलागु हे छलफल जुयो च्वंगु दः धायोदिल ।

विश्वविद्यालयसं बन्द हडताल, तालं ग्वयो बिइगु, अलय



गुण्डागदी, थःता मयोगु खाँ ब्याकसे वयकलं विश्वविद्यालय जुइगु अराजनैतिक ज्या इवः त पानयू मः धायो दिल ।

नेपाल मजदुर किसान पार्टीया छ्याञ्जे नपां संघीय सांसद प्रेम सुवालं रोम व एथेन्स नगर राज्य विश्व विद्यालयता न्ह्याकगु खाँ ब्याकसे एकाइसौं शताब्दीसं नगरपालिकां सहरी विश्वविद्यालय चाय्के मः धायोदिसे ख्वप नगरपालिकां चाय्किगु ख्वप विश्व विद्यालय नेपालय सहरी विश्वविद्यालय काथं हछ्याड प्रयोग काथं हछ्यासा बांला जुई धायोदिल ।

वयकलं - राणा शासनं नेपः देता १०४ दा तक ख्यूंक तयो तल । अः गणतन्त्रया इलय नं नगपालिकाता विश्वविद्यालय चाय्के मब्यूगु पाय्छि मजू । संविधानय् संघ, प्रदेश व स्थानीय तहया साभ्ना सूची सं शिक्षा तयो तःगु दः । उकिं नगरपालिकां विश्वविद्यालय चाय्के मरु धायगु खाँ पाय्छिमजू धायो दिसे ब्वनामिपिन्ता नेपालय हे हिल माल स्वयगु अनुसन्धानया ज्या याक, उत्पादन श्रमनपां स्वायगु शिक्षाता बःबियो हछ्यायता ख्वप नगरपालिकापाखं चाय्किगु विश्वविद्यालय मब्यूसं मजू नपां ख्वप विश्वविद्यालयया विधेयक संविधान जारी जुय धुंकः २०७३ सालय शिक्षा मन्त्रालय पाखं संसदय् दर्ता याडः सांसदपिन्ता इडः नपां बिय धुंकगु खाँ कुलः दिसे उब्लेया सरकारकय इच्छाशक्ति मरुसेलिं ख्वप विश्वविद्यालय विधेयक संसदं पारित मजूगु अःथुगु विधेयक पारित यायता लिपालाकय मजिल धायोदिल ।

ख्वप नगरपालिकाया प्रमुख सुनिल प्रजापति जुं ख्वप नगरपालिकां ख्वप विश्वविद्यालय चाय्कः न्ह्याकयता ख्वप नगरपालिका वडा नं. १ सल्लाघारी चवंगु १०८ पी जग्गा बिया

दक नेपाल ट्रस्टता तःक हे पौ चवयो माग याडागु खाँ कुलः दिसे ख्वप विश्व विद्यालय विधेयक २०८० पारितयायता मः काथं ज्या न्ह्याकः प्रक्रिया हछ्यायता मन्त्री भट्टराई जु याता 'अनुरोध पत्र' लः लहाडः बिल ।

मन्त्री भट्टराई जुं ख्वप नगरपालिकापाखं चाय्कः तःगु ख्वप मा.वि., ख्वप कलेज, शारदा क्याम्पस मा.वि., ख्वप कलेज अफ ल, ख्वप अस्पताल, ख्वप बहुप्राविधिक अध्ययन संस्थान, ख्वप इन्जिनियरिङ कलेज व ख्वप कलेज अफ इन्जिनियरिङ नपां आना हे वाडः स्वयो कलेजं बियो चवंगु सेवा सुविधा, ब्वनामिपिनिगु ल्या व भौतिक अवस्थाया खाँत थुइकः द्यूगु खः । मन्त्री भट्टराई जु याता नेमकिपाया छ्याञ्जे नपां संघीय सांसद सुवालं पार्टीया पिथनात व नगरप्रमुख प्रजापति जुं नगरपालिकाया पिथना व कलेजया पिथनात उपहार काथं लः लहाडः दिल ।



थी थी नगरपालिका व गाउँपालिकाया जनप्रतिनिधिपुं नपां खवप प्रमुख

पुस १७ गते



खवप नगरपालिकाया प्रमुख सुनिल प्रजापति जुं बुद्धबार नुवाकोटया विदुर नगरपालिकाया प्रमुख, शिवपुरी गाउँपालिकाया अध्यक्ष व लिखु गाउँपालिकाया अध्यक्ष जु पुं नपां बिस्कं बिस्कं नपालाडः दिल ।

खवप नगरपालिका प्रमुख प्रजापति व विदुर नगरपालिकाया प्रमुख राजन श्रेष्ठ नपालाडः नेगु स्थानीय तह दशवी जूगु कार्य सम्पादन, सेवाप्रवाह, सम्पदा ल्हवनय कानय व विकास निर्माणया खायँ सल्लाह सहति याडः दिल ।

खवप विश्व विद्यालय निःस्वानयगु तातुडः नं मः काथंया भौतिक पूर्वाधारत दयकेगुलि नं नगरपालिकां बःयाड वयो चवंगु खाँ ब्याकसे प्रमुख प्रजापति जुं खवप नगरपालिकां थी थी जिल्ला ब्वँ वपुं ब्वनामिपिन्ता दांकः भिंक, शिक्षा ब्यू ब्यू वयागु खाँ नं काडः दिल ।

विदुर नगर प्रमुख राजन श्रेष्ठ उगु नगरपालिकाया ऐतिहासिक, सांस्कृतिक व नगरया आयोजनात काडः दिल । उगु इवलय विदुर नगरपालिकाया प्रमुख प्रशासकीय अधिकृत पौडेल हिंस्वगु वडाय ब्वथयो तःगु व २०७२ सालया तः भ्वखाचां स्यंकः ब्यूगु नुवाकोट दरबार ल्हवनय कानय याडः चवडागु खाँ नंकाडः दिल ।

वयकलं विदुर नगरपालिकाय सांस्कृतिक व ऐतिहासिक सम्पदानं अपलं दःगु नपां थुगु नगरपालिकाया देवीघाटय सुविधां जःगु बूढाश्रम नं दःगु खाँ काडः दिल ।

विदुर नगरपालिकाय तः हांगु चिच्याहांगुयाडः विदुर नगरपालिकां गुसगु योजनात न्ह्याकः चवंगु खाँ काडः दिसे वयकलं नगरपालिकां दाच्छिया थ्यं मथ्यं खुगु करोड तकाति आम्दानी याडः वयो चवंगु खाँ नं ब्याक दिल ।

अथेहे शिवपुरी गाउँपालिकाया अध्यक्ष नपां नपालाडः दिसे खवप नगर प्रमुख प्रजापति जुं खवप नगरपालिकां शिक्षा, स्वास्थ्यया लागाय याडः वयो चवंगु असल अभ्यासया खाँ काडः दिसे वः या ल्याखं खवप नगरपालिका देया दकलय चिच्याकवगु नगरपालिका जूसां देया दकलय चवजःगु शैक्षिक व पर्यटकपुं छक मवसें मगागु गन्तब्य स्थल काथं हज्याडः चवंगु खाँ काडः दिल ।

प्रमुख प्रजापति जू याता लसकुल याडः दिसे शिवपुरी गा.पा. अध्यक्ष गोविन्द प्रसाद थपलिया जुं खवप नगरपालिकाया ज्या मेमेगु स्थानीय तहं नं सयके लाइक जूगु खाँ काडः दिल ।

शिवपुरी गा.पा. कृषि, पशुपालन व फलफूल खेती याय फँगु थाय खः धायोदिसे वयकलं थाकालिपुं जेष्ठ नागरिकपिन्ता स्वास्थ्य शिविर, प्वाथय दःपुं मिसातयता विशेष सुविधा व खुइदा फूपुं नागरिक पिन्ता धेबा म्वायकः वास बियगु योजनात हछ्याडः चवडागु खाँ काडः दिल ।



शिवपुरी गा.पा या आन्तरिक राजश्व अपः मरुगु खाँ ब्याकसे वयकलं कृषि प्राविधिकत मरुगुलिं कृषिता मनय तयाथे हछ्याय मफयागु खाँ काडः दिल । नपा लायगु इवलय उप प्रमुख प्रशासकीय अधिकृतपुं नपां गाउँ पालिकाया पदाधिकारीपुं नं भःगु खः ।

अथेहे खवप नगर प्रमुख प्रजापति जु व लिखु गाउँ पालिका अध्यक्ष धुब श्रेष्ठया दशवी जूगु नपालायगु ज्या इवः सं सिकाई अनुभवया खाँ कालबिल यासे प्रमुख प्रजापति जुं कृषि लागु हज्याक यंकय फःसा देया दिगो विकास (धिसिलाक

सचिखत पीगुगूगु खवप पौ, बःखि पौ(पाक्षिक)

हःनय) यंकय् फ़ैगु खॉ व्याकसे सरकारं ल्यासे ल्याम्होपिन्ता मतितयो (नियोजित काथं) हे विदेशय् मवासैं मगाक ब्यूगु खॉ काडः दिल ।



लिखु गा. पा. या अध्यक्ष श्रेष्ठ जुं खुगु वडाय् बवथल तःगु लिखु गा.पा. कृषिया नितिं बांलागु थाय् (उर्वर भूमि) खः धायोदिसे थाना आलु बांलाक सैगु लि मु बाली काथंयाबाली खः धायो दिसे थःपुं त्याकः वयानिं थानाया सामुदायिक बवनयकुथिया शैक्षिक लागा भिक यंकागु खॉ काडः दिल ।

लिखुया कलेजत बवनामिपुं मरुगुलिं तियमालिगु अवस्था वगु खॉ ब्याकसे वयकलं सरकारं कृषि विकास याय् हे मःगु खॉ काडः दिल ।

उगु नपालायगु ज्या इवः सं नेमकिपाया केन्द्रीय दुजः राजबीर डंगोल, नेमकिपा नुवाकोट जिल्ला अध्यक्ष रविन्द्र डंगोल, खवप नगरपालिका वडा नं. २ या अध्यक्ष हरिप्रसाद बासुकला नं भःगु खः ।

अथेहे रसुवाया उत्तरगया गा.पा.या अध्यक्षमाधव प्रसाद अर्याल जु नपालाडः नेगु पालिकाया ऐतिहासिक सांस्कृतिक शैक्षिक व सामाजिक विषयया अनुभव काल विल याडः दिल ।



नपां पुस १८ गते प्रमुख प्रजापति जुं रसुवायाधुन्चे चवंगु २५ शय्याया अस्पतालया भायो आनाया मे.सु त्रिभुवन चन्द्र भाव कर्मचारीपुं नपालाडः नेपःया संविधानं ब्यूगु आधारभूत स्वास्थ्य उपचार फुक्क थासय दयमःगु, स्वास्थ्य लागाय् बांलाक सेवा

वियफःसा जनताता सुख ज्वीगु खॉ नपां खवप नगरपालिकां अः स्वास्थ्यता हृदाय तयो ज्या साडःचवंगु खॉ व्याकदिल । मेसु भाजुं थुगु अस्पतालं धुन्चेया हिन्दु जनताता सेवा वियगु ल्याखं तःगु खॉ काडः दिल । प्रमुख प्रजापति जुयाता मेसु भां लसकुस याडःदिल ।



अथेहे वयकलं नुवाकोटया आदर्श बहुमुखी क्याम्पसया क्याम्पस प्रमुख नारायणमान डंगोल जुयाता क्याम्पसय् भायो नपालाडः देया शैक्षिक व समसामयिक विषयलय् खॉ ल्हाडः दिल ।



खवप नगरपालिकाया प्रमुख सुनिल प्रजापतिजु रसुवाया धुन्चे चवंगु नेपाल आँखा कार्यक्रम तिल गंगा आँखा प्रतिष्ठान पाखं चाय्कःतःगु जिल्ला सामुदायिक आँखा केन्द्र स्वःभाल ।



सुज्या सुयगु व्यवसायं देया अर्थतन्त्रता घ्वासा

पुस २० गते



खप नगरपालिका प्रमुख सुनिल प्रजापतिया मूपाहॉलय भक्तपुर टेलरिङ्ग व्यवसाय संघ' या स्वकगु साधारण सभा व अधिवेशनय न्वचु तयो दिसे मू पाहॉ प्रजापतिजुं सुज्या सुयगु व्यवसाय उद्योग खः। थुकिं खानय दयकः व मदय्क देया अर्थतन्त्रता घ्वासा बियो च्वनि धायोदिल।

सुज्या सुयगु व्यवसायता अपलं ख्यडः यंकय् फःसा प्याहॉ वानिगु धेवा अपलं भनीथायसं लाकय् फैगु खॉ ब्याकसे वयकलं देशया धेवा विदेशय् मछ्वयगु देशय् आम्वानी याय्गु थें हे खः धायोदिसे खप नगरपालिकां थानाया उत्पादनता ह्दाय तयो ज्या साडः च्वंगु खॉ नपां ख्वपय् व्यवसाय याडपिसं नगरपालिकाता

छुं भाति कर पुलय मः गुलिं व्यवसायीपिन्ता भिं जुइगु खायें नगरपालिकां थीथी पला न्ह्याकः वयो च्वंगु खॉ काडः दिल।

नेपः या आर्थिक अवस्था भन-भन कमजोर जुयो वांगु खॉ कुलः दिसे वयकलं नेपः दे काप थाडः पिकायगुलि थःगु तुतिखय दानय् फःसा देया अर्थतन्त्रता ग्वाहाली जुइ धायोदिल।

भक्तपुर टेलरिङ्ग व्यवसायी संघया नायो भाजु गणेश भक्त गोसाईजुं संघ निः स्वानय् मःगुया खॉ, अलय थुकिया तातुना नपां संघया दुजः पिनिगु हक हितया लागिं ज्या साडः वयागु खॉ काडः दिल।

नेपाल टेलरिङ्ग व्यवसायी महासंघया नायो सदिस श्रेष्ठ जुं सुज्या सुयगु व्यवसायीपिसं व सुज्या सुयगु नपां काप थायगु व्यवसायतनं नपानपां यंकः उपभोक्तापिनिगु माग काथं सामानत पिकाय्मः धायोदिल।

अथेहे नेपाल टेलरिङ्ग महासंघया वरिष्ठ उपाध्यक्ष राजमान डंगोलजुं वहे महासंघया सल्लाहकारपुं वीरमणि बज्राचार्य व उत्तम बहादुर श्रेष्ठ, दुजः धिपेन्द्र कारंजित, भक्तपुर घरेलु तथा साना उद्योग संघया प्रेमकृष्ण खर्बुजा, भक्तपुर च्याम्बर अफ कमर्स महिला चेम्बरया नर्की रीना श्रेष्ठ, काभ्रे टेलरिङ्ग व्यवसाय संघया सुरेश श्रेष्ठ, भक्तपुरया महासचिव सुदिप गणेश पिसं संघ निःस्वां बलय् निसंया इतिहास, तातुना व थुगु संघं अः तक याडः वयो च्वंगु ज्या इवः त काडः दिल।

आदर्श आजाद मा. वि. सं श्रीकृष्ण किसी सेवा निवृत

पुस २० गते

आदर्श आजाद मा.वि. भेलुखेलया प्रधानाध्यापक श्रीकृष्ण किसी उमेर हृदया कारणं सेवानिवृत जुयोदिल ४० दा तक शिक्षण पेसा याडः ६०दाया उमेरय् वयक सेवा निवृत जूगु खः। शनिवारनिसें सेवा निवृत जुइगु जुगुलिं ब्वनय्कुथिया ग्वस वगु छगू ज्याइवः सं प्रधानाध्यापक किसीं ब्वनय्कुथिया व विद्यालय व्यवस्थापन समितिया निर्णयकापी सहायक प्रधानाध्यापक चक्रबहादुर चाकतुता लः ल्हाड दिसे निमित्त प्रधानाध्यापकया जिम्मेवारी नं लः ल्हाड दिल।

ज्या इवः सं खप नगरपालिकाया उप प्रमुख रजनी जोशी जुं सेवा निवृत किसीता विदाइ व स.प्र. चाकतुता प्रधानाध्यापक काथं लसकुस याडः दिल। ज्या इवः सं वयकलं छप्पाछधिजुयो लाहापा स्वाडः वानय् फःसा पला थासय्लाइगु खॉ ब्याकसे खप देता शैक्षिक गन्तव्य काथं हज्याकय्ता नेमकिपां



कायो च्वंगु अडान व न्हयलुवा पिनिगु तहांगु कुतंः थाना तक थ्यंगु खॉ काडः दिसे नीछगु सदिया पंगःता चिइकः वानय् फःपुं

सच्चिद्वत पीगुगु स्वप पौ, बःछि पौ(पाक्षिक)

न्हँगु पुस्ता ब्वलांकय् मः धायो दिल ।

नेपाल क्रान्तिकारी शिक्षक संघया नायो भाजु ज्ञान सागर प्रजापति जुं मचः मगागु व पंगः त हाचां गायो वानय् फः साजक आजु थ्यानिगु खाँ व्याकसे थः मखु भीया भावना कःघाय्ता इनाप याडः दिल ।

निवृत प्र.अ. श्री कृष्ण किर्सी कमजोर भौतिक अवस्थाता बल्लाक यंकः ब्वनय्कुथिया शैक्षिक स्तर च्वजाय्केता ता ई बिगु खाँ कुलः दिसे थमनं नं डाम्हा प्र.अ. पिनिगु अनुभव स्वयो सय्कः ब्वनय्कुथिया हज्याकय्गु ज्या याडागु खाँ काडः दिल । न्हपाया अनुभवं न्हँपुं शिक्षकपिसं नं थुइकः सभ्य समाज दय्केता ख्वप देता ज्ञान विज्ञानया मू थाय्, शैक्षिक गन्तव्य स्थल दय्केगु तातुडः ज्या साडागु खाँ न्हि थासं वयकले थः सेवा निवृत जूसां

ब्वनय्कुथिया मः काथं ग्वाहाली याडः च्वनय्गु बचं बियो दिल ।

लसकुस न्वचु तयोदिसे न्हँम्हा प्र.अ. चाकतुं न्हँगु पुस्ताता न्हयलुवा काथं हछ्याय्ता कानूनी व्यवस्था काथंया पद लःल्हाय्गु ज्या पाय्छि जूगु खाँ व्याकसे सेवा निवृत जूसां नं श्री कृष्ण सरं अभ् अपः शैक्षिक लागा हछ्याय्ता ग्यसुलागु योगदान याइगु विश्वास प्वंकः दिल ।

विद्यालय व्यवस्थापन समितिया नायो नपां ख्वप नगरपालिका वडा नं ५ या वडाध्यक्ष योगेन्द्रमान बिजुक्छे जुया सभानायोलय् जूगु उगु ज्या इवलय् पूर्व प्रधानाध्यापक नाति कवां, न्हँपुं सहायक प्रधानाध्यापकपुं शुभद्रा दुवाल व राकेश सुकुपायो पिसं नं न्वचु तयो द्यूगु खः ।

शिक्षाखय् हज्यागु दे हे विकासय् नं हज्याइगु



पुस २० गते

ख्वप नगरपालिकाया प्रमुख सुनिल प्रजापति जुं शिक्षा विकासया धिसिलागु लिधंसा जुगुलिं शिक्षाखय् हज्यागु दे विकासय् नं हज्याइगु खाँ काडः दिल ।

महेन्द्र विद्याश्रमया ४० कगु दँबुदिया लसताय शनिवार ग्वसः ग्वगु ज्याइवःसं मू पाहाँ प्रजापति जुं ख्वप नगरपालिकां शिक्षाता हृदाय तयो ज्या साडः वगु खाँ व्याकः दिसे धेवा मतादक च्वय् थ्यंकया शिक्षा ब्वनय मखाना धाय् म्वायकः ख्वप नगरपालिकां शैक्षिक ऋण बियो वयो च्वंगुलि अः तक खय् ७८१ म्हा ब्वनामिपिसं शैक्षिक ऋण कायो ब्वडः च्वंगु खाँ व्याकः दिल ।

ल्यासे ल्याम्होपुं ब्वनामिपुं अपलं विदेशय् वाडः च्वंगु देशया लागिं चिन्ताया विषय जुगु खाँ तयो दिसे वयकल थ्वहे

ल्याखं ब्वनामिपुं पिनय् देशय्वान धःसा ब्वनामिपुं मदयो नेपःया अपलं कलेजत तिय मालिगु ई वै धायोदिल ।

सरकारं ब्वनामिपिन्ता भिं जुइगु नीति नियम दय्केगुलि बिचः यायमःगु खाँ कुल दिसे वयकलं ख्वप नगरपालिकां शिक्षा उत्पादन श्रम नपां स्वाय्मःगु खायँ बः बियो वयो च्वंगु दः धायोदिल ।

ब्वनय्कुथिया प्र.अ. अनिल श्रेष्ठ ब्वनय्कुथिया प्रगति प्रतिवेदन पिब्वयो द्यूगु उगु ज्या इवः सं ब्वनय्कुथिया निः स्वानामि महेन्द्र प्रसाद मास्के, ख्वप नगरपालिकाया का.वा. अध्यक्ष कृष्ण गोपाल चौगुथी पिसं नं न्वचु तयो द्यूगु खः ।

ज्या इवः या मूपाहाँ प्रजापति जुं शिक्षक व ब्वनामिपिन्ता सिरपा लः ल्हाडः द्यूगु खः ।

स्थानीयतह दुमथ्याकः स्वनिगःया छुं नं योजना तःलाई मखु

पुस २२ गते



भूमिव्यवस्था, सहकारी तथा गरिबी निवारण मन्त्री बलराम अधिकारया मू पाहाँलय स्वनिगःया लिपाथ्यकया सोच क्वः छियगु नपां तःहांगु भौतिक विकास गुरु योजना दयकेगु खाँ जुगु कार्यशाला गोष्ठी आइतवार क्वचाल ।

काठमाण्डौं उपत्यका विकास प्राधिकरणया ग्वसालय जुगु उगु ज्या इवया उलेज्या यासे मन्त्री अधिकारी जुं स्वनिगः या गुरु योजना मथां छ्यलय फँगु काथं वानय्मःगु खाँ ब्याकसे स्थानीय तह दुमथ्याक योजना पूवानिमखु धायोदिल ।

स्वनिगः हलिमयया दकलय बांलागु, स्वय हाँ पुगु थायकाथं हछ्याय् फँगु खाँ ब्याकसे वयकलं स्वनिगलय् अव्यवस्थित काथं च्वँ वयो च्वंगु बस्तीता बांलाकः व्यवस्था याय्मः धायोदिल ।

स्वनिगः व्यवस्थित व बांलाकः स्वय हाँपुक तयता योजना तयो हज्याय्ता सरकार तयार दःगु नपां स्वनिगःया संस्कृति व सभ्यता ल्यंकः म्वाकः तयता नं प्राधिकरणं हदाय् तयो ज्या सानय् मः धायोदिल ।

ज्या इवः सं खप नगरपालिकाया प्रमुख सुनिल प्रजापति जुं अव्यवस्थित व यत्थे निजी प्लानिङ्ग याय्ता स्वीकृति ब्युगुलिं स्वनिगया वातावरण बाँमलाक स्वनय् धुंकगु खाँ ब्याकसे गुकिं वर्षाया इलय् खुसी नाः स्वयो अपः पाँचा, चा चुइक हःगुलिं खुसी ल्हाडः दुःख जूगुलिं उपत्यका विकास प्राधिकरणं अव्यवस्थित प्लानिङ्ग मयाकय्गुलि बिचः याय् मः धायो दिल ।

देशय् दकसिबे अपः पतिं जग्गा दगु जिल्ला दाड खः धायोदिसे देया माथांवांक विकास याय्ता संघीय राजधानी पश्चिम नेपालया दाडखय् ल्ह्योसा बांला जुई धायो दिसे स्थानीय तहता

चिच्या-चिच्या हांगु आवास योजनात चाय्केता नेपःया सरकारं आर्थिक व प्राविधिक ग्वाहाली याय् मःगु खाँ ब्याकसे खप नगरपालिकां १६५३ पी जग्गाया देको मिबा इतापाके आवास योजना न्ह्याकः च्वंगु खाँ काडः दिल ।

सरकारय् वांगु दल तय्के सच्छिदा लिपाया नेपः दे गथे दयकेगु धाय्गु मति व बिचः तयो स्वपुकुनं स्वय मफुगुलिं दे भन भन लिपा लागु खाँ काँ का अव्यवस्थित सहरीकरण, फोहर फुक्क खुसी वाय हैगु, खुसी थिइकः नगरया विकास व खुसी त्यलः काइगुलिं स्वनिगःया खुसी फोहर जुइगु खः वयकलं धायो दिल ।

गुरु योजनात दयकं दयकं स्वनिगःया लिच्छवी कालीन व मल्ल कालीन सम्पदा ल्यंकः म्वाकः तयगुली नं बिचः याय् मःगु खाँ ब्याकसे वयकलं जनप्रतिनिधि पिसं धःथे हे सम्पदा ल्यंकः म्वाकः तय्गु योजनाया ज्या याय् मःगु अलय् मफुपुं पालिका तय्ता सक्षम यायां यंकय्गु ज्या संघ सरकारं याः सा बांलाइ धायोदिल ।

वागमती प्रदेश भौतिक विकास मन्त्री अमन कुमार मास्के जुं गुरु योजना छ्यलय्ता अःलिपा लाकः चवनय् मज्यूगु खाँ ब्याकसे अःसंघ, प्रदेश व स्थानीय तह मिलय जुयो ज्या मसांसें मगा धायोदिल ।

यल महानगरपारिकाया प्रमुख चिरीबाबु महर्जनं स्वनिगःया गुरुयोजना अपलं दयके धुंकसां उकिता बांलाक छ्यलय् मफुगु खाँ ब्याकसे गुरु योजना दयकेता स्थानीय तहया जनप्रतिनिधिपुं नं दुथ्याकय् मः धायो दिल ।

सच्चिद्वत पीगुगु स्वप पौ. ब.छि पौ(पाक्षिक)

स्वनिगः दय्केगु खौं तयो थानाया छुं नं सम्पदात स्यंकय मज्यगु थानाया अध्ययनं क्यंगु खौं ब्याकसे डादाया दुनय थानाया यातायात व्यवस्थापन बांलागु स्वय दय्केमः धायो दिल ।

राष्ट्रिय योजना आयोगया न्वकु डा. शिवराज अधिकारीं ख्वपया आवास योजनाया खायँ थमनं अध्ययन अनुसन्धान याडागु खौं ब्याकसे भौतिक विकास जक विकास मखुसँ गुणास्तरीय जीवनया सुनिश्चितताया याय् मःधायो दिल । नेपाल जग्गा व आवास विकास महासंघया नायो विष्णु धमला, सहरी विकास मन्त्रालयया सचिव गोपाल प्रसाद सिग्देल, राष्ट्रिय योजना आयोगया दुज डा. रामेश प्रसाद सिंह पिसं नं न्वचु तयो द्यगु खः ।

काठमाण्डौ उपत्यका विकास प्राधिकरणया विकास आयुक्त जानुका ढकाल या सभानकीलय् क्वचःगु उगु ज्या इवः सं प्राधिकरणया नायव विकास आयुक्त नवराज प्याकुरेलं ज्या इवः या तातुना काडः द्यगु खःसा सहरी विकास विज्ञ किशोर कुमार थापां स्वनिगःया लिपा थ्यंकया बिचः व भौतिक विकास गुरु योजना दय्के मःगुया खौं काड दिल । परामर्शदाता डा. विजय कुमार श्रेष्ठ जुं गुरुयोजनाया प्रस्तुतीकरण क्यडः द्यगु खः ।

ज्या इवः सं स्वनिगः या प्रमुख उपप्रमुख गाउँपालिकाया अध्यक्षपुं भःगु खः ।

दार्चुला अपिहिमाल गा.पा. अध्यक्ष नपां जनप्रतिनिधिपुं ख्वप नगरपालिकाय्

पुस २२ गते

ख्वप नगरपालिकाया प्रमुख सुनिल प्रजापति जु नपां ख्वप नगरपालिकाया ज्यात स्वयो सय्केया लागिं भःपुं दार्चुलाया अपिहिमाल गाउँपालिकाया अध्यक्ष भक्तसिंह ढेकरे बोहरा नपांया पुचः ख्वप नगरपालिकाया सभाकक्ष सं सोमबार नपालागु जुल ।

नपालागु इवल्य् ख्वप नगर प्रमुख प्रजापति जुं ख्वप नगरपालिकां शिक्षा, स्वास्थ्य, सम्पदा ल्यंकः म्वाकःतय्गु व सुचुकुचुया लागाय् साडः च्वडागु ज्या देशया निंतिं ब्वस्यलागु खः धायोदिसे ख्वप नगरपालिकां ख्वप देता पर्यटकपुं छकः मवसँ मगागु थाय् गन्तव्य स्थल दय्केता वांगु मंसिर २८ गते निसँ पुस २ गते तक याडः देशं दुनय् व देशपिनय्या थ्यं मथ्यं च्यागु लाख मनूतय्सं महोत्सव स्वः वगु खौं काडः दिल ।

वयकलं स्थानीय तह काथं थीथी पहः दैगु खौं ब्याकसे ख्वप नगरया बिस्कं पहः सांस्कृतिक व ऐतिहासिक सम्पदां जःगु पर्यटकीय नगर जूगुलिं थानाया मू आम्दानी पर्यटन खः धायो दिल ।

अपि हिमाली गाउँ पालिकाया अध्यक्ष बोहरा जुं थःगु गाउँपालिका ख्वप नगर स्वयो तः क्व सां नं म्हवचा जक जनसंख्या व हिमाल जडिबुटीया अपलं सम्भावना दःगु गाउँपालिका

खः धायो दिसे वयकलं ख्वप नगरपालिकां शिक्षा व स्वास्थ्यसं याडः च्वंगु ज्या मेमेगु स्थानीय तह तय्सं नं डाल काय बह जूगु खौं ब्याकसे ख्वप नगरपालिकां थःगु हे मौलिक पहलं पुरातात्विक सम्पदात ल्हवनय्-कानय् व दानय्गु ज्यात अपि हिमाल गा.पा. या प्राविधिकपिन्ता नं तालिम बियो मंकः ज्या याय् दःसा बांलाइ धायो दिल ।



ख्वप नगरपालिकाया उपप्रमुख रजनी जोशीं ख्वप नगरपालिकां शिक्षा, स्वास्थ्य व सम्पदा ल्यंकः म्वाकः तय्गुलि याडः च्वंगु खौं काडः द्यगु खः ।

ज्या इवःसं ख्वप नगरपालिका वडा नं ९ या वडाध्यक्ष रबिन्द ज्याख्वः, ८ वडाय् वडाध्यक्ष कृष्णप्रसाद कोजू, ख्वप नगरपालिकाया प्रमुख प्रशासकीय अधिकृत वसन्त भट्टराई व मेपुं जनप्रतिनिधिपुं नं भःगु खः ।

स्वनिगः भिंकः बांलाकः तयूता स्थानीयता जक छँ बँ न्याय मिय दैगु कानून दय्केमः

ढुस २३ गते

सहरी विकास मन्त्री ढकाश मान सिंहया नायोसुई स्वनिगः या नगर ढ्रमुख नढां उपढ्रमुखढुनढां ढ्रस्तावित वागमती कार्य योजना (२०२ॡ-ॡॡ) या खायँ छलफल ज्या इवः मंगलवार जुल ।



उगु ज्या इवः सं नगर ढ्रमुख व उपढ्रमुखढिसं स्वनिगः कन्धेथ्यंक बांलाकः तयूता स्थानीय बाहेकयाय्ढिन्ता छँ बँ न्याय मिय मदैगु कानून दय्के मःगु बागमती कार्य योजना ढ्रकृति मैत्री काथं हछ्याय् मःगु लि बः बिसे वागमती करिडोरता बांलाक यंकय् मःगु नढां वारुँसे च्वंक स्वंमा सिमा ढियगुलि नं बिचः याडः कार्य योजना दय्के मःगुलि बःयाडः दिल ।

ज्या इवः सं उप ढ्रधान मन्त्री सिंह जुं नीदा लिढा वागमती कार्य योजनाता मूर्त रूप बिद्यता स्वाढु दःगु निकायत मःकाथं छलफल याय् मःगु गुकिं छलफल वगु सुभावात दुतिडः हज्याय्गु योजना दःगु खँ काडः दिल । वागमती कार्ययोजना छ्यलय्गु इवल्य् ढ्रकृति मैत्री ढ्रविधि छ्यलः हज्याय् मःगु खँ ब्याकसे वयकलं भी ढुखां छ्यलः वांगु ढ्रविधित अः नं भीसं छ्यलय् फः धायो दिल ।

ख्वढ नगरढालिकाया ढ्रमुख सुनिल ढ्रजाढित जुं स्वनिगलय् च्वँ वैगु वस्ती विकास ढानय् मढ्रतलय् बागमती सढाई अभियान त मलाइगु खँ ब्याकले स्वनिगलय् स्वनिगलं ढिनय्या मनूतय्सं छँ बँ न्याय मदैगु कानूनी व्यवस्था याय् मःगु ई काथं सघीय राजधानी दाडय् ल्हयय मःगु खँ जनसंख्या नियन्त्रणया मू उढायत जुयफः धायोदिल ।

वागमती सभ्यताया लागि अरबौ खर्च याय् धुकसां ब्वस्यलागु छुं हे ज्या मजगु अलय् खुसी यचु ढिचुकः तयूता नगरकोट, शिवढुरी थजगु नाः छँ त दःगु लागाता 'जलाधार क्षेत्र' क्वःछिडः उकिया सुरक्षाया जिम्मा नेपाली सेनाता बिद्यमः धायोदिल । अनियन्त्रित ढुडगं, अव्यवस्थित ढ्लटिड याक च्वंगु व अध्ययनहे मयासिं निजी ढ्लानिड याइढिन्ता स्वीकृति ब्यूसेलिं खुसी ढ्रदुषण भन अपः जुयो वगु खँ काडः दिसे वयकलं ख्वढ नगरढालिकां सर सढाइ ऐन दय्कः थी थी कानून दय्कः ज्या साडः च्वंगु खँ काडः दिल ।

यल महानगरढालिकाया ढ्रमुख चिरीबाबु महर्जनं कार्य योजनासं स्वनिगःया सांस्कृतिक सम्ढदात ल्यंकः म्वाकः तयूगु विषय नं दुतिनय मःगु नढां खुसी बः थासय् लाकयूता दयकः च्वंगु रिटेनिड्ग वाल

विढद वयक च्वंगु खँ काडः दिल ।

वैदेशिक ःरुण कायो देश विकास यायूगु नीति दे हे गालय दुनिगु खतरा दःगु खँ ब्याकसे वयकलं यल महानगरढालिकां छँ नं संघ-संस्थाता जगगा बियगु ज्या मयाकागु खँ काडः दिल ।

सहरी विकास मन्त्रालयया सचिव गोढाल ढ्रसाद सिगदेल जुं नीदाया कार्य योजना स्वनिगःया नगरढालिकानढां स्वाढु दःगु खँ धायो दिसे वयकलं छलफलं ढ्याहाँ वगु बांलागु सुभावात दुथ्याकः कार्ययोजना ढू वांकयूगु धायो दिल ।

वयकलं स्वनिगः या खुसीत ल्यंकः भिंकः तयूगु खुसी सिथय्या सम्ढदात ल्यंकः म्वाकः भिंकः तयूगु कार्य योजना मू विषय खः धायो दिल ।

गोदावरी नगरढालिकाया ढ्रमुख राजेन्द्र महर्जनं स्वनिगःया राजकुलो (धःत) ल्हवडः दय्के मःगु खँ ब्याकसे करिडोर दयकेगु थासय् च्वंगु बस्तीत नं थासय् लाकयूगु व व्यवस्थित यायूगुली विचः याय्मः धायो दिल ।

दक्षिणकाली नगरढालिकाया ढ्रमुख मोहन बस्नेतं दक्षिणकाली नं करिडोर दय्के मःगु नढां आर्थिक ढ्रगति नढां, तयो कार्ययोजना दय्के मः धायो दिल ।



बुढानिलकण्ठ नगरढालिकाया उप ढ्रमुख अनिता लामां स्वनिगः तस्कं अस्तव्यस्त जुय धुकगुलिं कार्य योजना थःगु तुतिखय् दानयूगुलि नं सम्बोधन याय् मः धायोदिल ।

ज्या इवः सं चाँगु नारायण नगरढालिकाया ढ्रमुख जीवन खत्री, केढु नगरढालिकाया उप ढ्रमुख शुभलक्ष्मी शाक्य, यल महानगरढालिकाया उप ढ्रमुख मन्जली शाक्य, तार्केश्वर नगरढालिकाया ढ्रमुख कृष्ण हरि महर्जन, बुढानिलकण्ठ नगरढालिकाया ढ्रमुख मिठाराम अधिकारी, नागार्जुन नगरढालिकाया उप-ढ्रमुख सुशिला अधिकारी, गोकर्णेश्वर नगरढालिकाया ढ्रमुख दिढक कुमार रिजाल ढिसं ढ्रस्तावित कार्ययोजनाया खायँ सुभावात ढेश यागु जुल ।

उगु ज्या भ्रवःसं अधिकार सम्ढन वागमती सभ्यता एकीकृत विकास समितिया सि.डि.ई. उद्वव नेपालं कार्ययोजनाया तातुना काडः द्यूगु खः । आयोजना ढ्रमुख नारायण ढ्रसाद भण्डारीं कार्य योजनाया खायँ ढ्रस्तुतीकरण क्यड द्यूगु खः । ज्या इवः सं सहकरी विकास मन्त्रालय भवन विभागया उप महानिदेशक रविन्द्र बोहरां नं न्वचु तयो द्यूगु खः ।

ख्वप नगरपालिकाया हिन्ह्यकगु नगर सभा न्ह्याकलः



पुस २६ गते

नेपाल मजदुर किसान पार्टीया छ्याञ्जे नपां संघीय सांसद प्रेम सुवाल जू ख्वप नगरपालिकाया हिन्ह्यकगु नगरसभा पानसय् मताच्याकः उलेज्या यासे ख्वप देता यच्चु-पिच्चुगु सांस्कृतिक नगर नपां पर्यटकपुं छकः मवसें मगागु गन्तव्यस्थल दय्केता ध्वगिङ्गु व ध्वमगिङ्गु फोहर बिस्कं बिस्कं तय्केगु ज्याखय् नगरबासीपिन्ता ग्वाकः, २०७२ सालया तःभ्वखाचां थुङः ब्यगु नगरया पुलांगु थासय्या छँ दानयता नगरबासी पिन्ता उत्साहित यायमःगु, अलय ख्वपय सांस्कृतिक व पर्यटकीय महत्वया खायँ स्थानीय पाठ्यक्रमय दुथ्याकय् मःगु, न्हँगु पुस्ताता सुसंस्कृत यायता शिशुस्याहार व बाल विकास केन्द्रता हदाय तयमःगु अलय शिक्षक व आयादिदी पिन्ता बराबर तालिम बियमःगु लि बः बिसे वयकलं डेराय् च्वनि पिन्ता नं ख्वपया सांस्कृतिक सम्पदा, सुचुकुचु थजगु नागरिक भावना ब्वलांकः देशभक्त यायमः धायो दिल ।

ब्वय्कुथिसं ब्वनामिपिन्ता न्हिचिं ब्वंकय्गु जक मखुसें अतिरिक्त क्रियाकलापयतं छ्यलय मःगु सःस्युपुं विज्ञपिनिगु सल्लाहया खाँ कुलः दिसे वयकलं नगरपालिकाय् दर्ता मजगु सहकारी संस्था चाय्के बिय मज्यु धायो दिल ।

नगरया ब्वनयकुथि स्थानीय पाठ्यक्रमय परम्परागत कासा व प्याखंत दुथ्याकय् मःगु, स्वलाया छकः ब्वनामिपिनिगु स्वास्थ्य परीक्षण याय् मःगु, अलय प्रयोगात्मक शिक्षाय् बःबियमःगु, ज्या याता माया याइपुं ब्वनामिपुं ब्वलांकय् मःगु, समाज व

स्वास्थ्यता स्यकिगु मादक पदार्थ, लागुपदार्थ, तयारी पत्रुखाना, व त्वनय्गु पेयपदार्थत मिङ्के मबिय मःगु खायँ नगरपालिका सचेत जुयमः धायो दिल ।

पुस २५ गतेया अन्तर्राष्ट्रिय सम्बन्ध व पर्यटन समितिया बैठकय् नेपाल वाय् सेवा निगमता निजीकरण यायता जः ग्वयो च्वंगु, चिनियाँ जहाज मब्वयकसें दिक्ः तःगु निगमता म्वः मरुगु दवाव विङ्गु मन्त्री व विमान स्थल दयकेगुलि छ्यापं नपुं पिताहयमःगु, सौर्य विमान सेवाया विमान दुर्घटनाया प्रतिवेदन पीडित पिनिगु पक्षसं मजगु थजगु जनताया गुनासो थमनं न्हिथानय् ताडा बलय सभापति राजकिशोर यादवं 'सुकु च्वं' दक क्वत्यलः बैठक क्वचाय्कःगु खाँकुल, दिसे सांसद सुवाल जनताया छम्हा प्रतिनिधि व देया सचेत नागरिकया हैसियतं सभापतिया अप्रजातान्त्रिक व्यवहार थमनं क्खिङ्गागु खाँ ब्याकसे सभापति नेताया भूमिका निर्वाह मयागु खाँ काङः दिल ।

निरंकुश शासन प्रणालीया विरुद्धय् दँ वगु आन्दोलनं हकनं प्रजातन्त्र दगु, खाँ ब्याकसे वयकलं मन्त्री परिषदं क्वः छ्युकाथं भ्रष्टाचार जूसां कार्बाही मजुङ्गु अलय वनं क्वयया निर्णयखय् जक अख्तियार लगय् जुङ्गु बन्दोवस्त पाय्छी मजु धायोदिल ।

नाः हे मरुगु खुसीया सलंस जलविद्युत उत्पादन स्वीकृत कायो उकिया शेयर जनताता मियो नेम्हा प्यम्हा मनू चां चां अर्बपति जगु खाँ प्याहाँ वगु खाँ ब्याकसे सांसद सुवालं फुक्क

सचिद्वत पीगुगु खप पौ. बःखि पौ(पाक्षिक)

पेसाया मन् तयता बिस्कं बिस्कं बैठक तयो देशभक्त अलय निः स्वार्थ जुयो म्वाय्गु खॉ ग्वाकय् मः धायो दिल ।

ज्या इवः या सभापति नपां ख्वप नगरपालिकाया प्रमुख सुनिल प्रजापतिजुं ख्वप नरपालिकां अपलं पंगःया दश्वी संविधानं क्यंगु काथं समाजवाद उन्मुख लॉपुइ हज्याडः च्वडागु खॉ काडः दिल ।

ख्वप नगरपालिकां शिक्षा, स्वास्थ्य, उपचार, सम्पदा ल्यंकः म्वाकः तय्गु सुचुकुचु, विकास निर्माण व ल्यासे ल्याम्होपिन्ता लाहातय् ज्या बियगु ज्या इवः त यायां वहे आजुइ थ्यंकय्गु लिधंसात दय्कं दय्कं वयागु खॉ ब्याकसे वयकलं नेपाल मजदुर किसान पार्टीया सिद्धान्त, नीति व निर्देशन काथं देश व जनताया सेवायाय्गु हे थःगु कर्तव्य खः धायो दिल ।

पारदर्शिता, इमानदारिता व आर्थिक अनुशासनता बिचःयाड ख्वप नगरपालिकां ज्या याडः च्वंगु खॉ ब्याकसे प्रमुख प्रजापति जुं देश व जनताया सेवा याय्गु बाहेक जनप्रतिनिधिपिनिगु मेगु छुं हे स्वार्थ मरु धायोदिल ।

ख्वप विश्वविद्यालय निः स्वानय्गु ख्वपया जनताया इच्छा दःगु खॉ ब्याकसे वयकलं ख्वप विश्वविद्यालय विधेयक पारित जूसा ख्वप नगरपालिकां चिकित्साशिक्षा नपां मेमेगु लागाय् नं सेवा याय् दै धायोदिल ।

वागमती प्रदेश सभाया दुजः सुरेन्द्रराज गोसाईं जुं नगरसभा तःजिक क्वाचाय् मः धायोदिसे नगरता अफ् च्वजायकेता नगरसभां अजनं बांलाक ज्या सानिगु, विश्वास प्वकसे पुलांगु बस्तीया भ्नीगु थःगु मौलिक नांत नं ल्यंकः तयमःगु जनताया इच्छा खः इतिहास नपां स्वापु दःगु जगातीया महत्वपूर्ण पक्षता अध्ययन अनुसन्धान याडः उकिया महत्व थुइकः हज्याय्मः गु अलय् एकीकृत विकास प्रणालीता बः बियो दिल ।

वयकलं च्याम्हासिंगनिसैं कमलबिनायक तक्या फः व्यवस्थापन याय मःगु नपां भ्वखाचां अपलं स्यंके मफैगु काथं संरचना खय् बिचः याय् मः धायो दिल ।

ख्वप नगरपालिका उप प्रमुख रजनी जोशी जुं ख्वप नगरपालिका च्वः जःगु नगरपालिका दय्केता लॉपु क्यडः द्यूपुं नेमकिपाया न्हलुवापुं नपां नगरपालिकाया न्ह्यागु नं ज्याखय् ग्वाहाली याइपुं नगरवासीपिन्ता सुभाय देछायो दिल ।

ख्वप नगरपालिकां संस्कृतिक ज्या इवः ल्यंकः म्वाकः भिंकः तय्ता दायँ दायँ पतिकं सांस्कृतिक बाजा धिंधिं बल्ला नपां सांस्कृतिक गुरुपिन्ता हानय् ज्या याडः वगु खॉ नं वयकलं ब्याकः दिल ।

भक्तपुर जिल्लाया प्रजिअ गोपाल प्रसाद अर्याल जुं ख्वप

नगरपालिकां नागरिकपिन्ता सेवा वियता समर्पण भावं ज्या साडः च्वंगु नपां शैक्षिक संस्था व स्वास्थ्य लागाय् याड च्वंगु ज्या च्वछाय् बहजु धायो दिसे नगरय् सुशासन दय्केता तः जिगु काथं हनय् थंकय्ता नं नगरपालिकां ह्दाय् च्वडः ज्या साडः च्वंगु खॉ ब्याकसे पर्यटन लागाय् अज बांलाकय्ता नगरसभां बिचः याइगु विश्वास प्वकः दिल ।

ख्वप इन्जिनियरिड कलेजया प्राचार्य सुजन माकं कलेज बियो च्वंगु सेवा सुविधा व कलेजय् ब्वडः च्वपुं ब्वनामिपिनिगु ल्या, काडः दिलसा ख्वप अस्पतालया नि. मेडिकल डाइरेक्टर डा. मजेश प्रताप मल्लं अस्पतालं बियोच्वंगु सेवाया खॉ काडः दिल ।

अथेहे ख्वप नगरपालिका प्रमुख प्रशासकीय अधिकृत वसन्त भट्टराई जुं सुभाय देछायो द्युगु खःसा ९ वडाया वडाध्यक्ष रविन्द्र ज्याख्वं नं न्वचु तयो द्युगु खः ।

न्हपांगु नगरसभाया बैठक

पुस २६ गते



ख्वप नगरपालिकाया प्रमुख नपां हिं न्ह्यकगु नगर सभाया नायो भाजु सुनिल प्रजापतिया नायो सुई च्वंगु नगरसभाया बैठक सं नगर सभा या उलेज्या तःलाक क्वचःगुलिं सुभाय देछसे 'धन्यवाद ज्ञापन प्रस्ताव' छप्वा म्हुतुं पारित यात ।

बैठक न्ह्याकसे वयकलं ख्वप दे शिक्षा व स्वास्थ्यया लागाय् मेमेगु स्थानीय तहया लागिं सय्केगु व स्वः वयगु थाय् जुयो च्वंगु खॉ ब्याकसे शासक दलतय् दश्वी, छगू छगू थासय् भाग वण्डा याय्गु गलत प्रवृत्तिं याडः ख्वप विश्व विद्यालय विधेयक अःतक पारित मजगु खः धायो दिल ।

बैठक वयकलं नगरसभाया मेगु बैठक माघ २ गते १:०० ताइलय् च्वनय्गु खॉ नं ब्याक दिल ।

ग्वाहालिमि व कासामिपिन्ता सुभाय पौ देछाल

पुस २६ गते



खप नगरपालिकाया ग्वसालय जुगु खप महोत्सवय ग्वाहालीमिपुं व थी थी कासाख्यु ब्वति कःपुं कासामिपिन्ता खप नगरपालिकाया प्रमुख सुनिल प्रजापति जुं सुभाय पौ देछाले खप महोत्सवता खपया जनताया मंकः महोत्सव काथं हछ्याडः तःजिक हाडः जनताकय स्वयमसेवी भावना ब्वलांगु खौ ब्याकः दिल ।

महोत्सव ज्वःछि जनतां थमनं हे स्वयो ग्वाहाली यागु खौ ब्याकसे वयकलं साविक लागाय ज्या सानिपिसं राजनीतिकलागाय नं ज्या सानि धायो दिसे महोत्सव ज्वः छि निहं हिद्र मयाकं नागरिकपुं परिचालन जगु गौरवया खौ खः । धायोदिसे निहं लाखौं मनूत स्वः

राप्ती नगरपालिका प्रमुख लामा खपय

पुस २५ गते



खप नगरपालिकाया प्रमुख सुनिल प्रजापति जु नपां चितवनया राप्ती नगरपालिका प्रमुख शमशेर लामा नपालःभ्रः बलय वयकनपांया पुचः ता खादा व तकातपुली पुइकः लसकुसयासे प्रमुख प्रजापति जुं शिक्षाता उत्पादन श्रम नपां स्वायगु तातुडः नेगु इन्जिनियरिड कलेज नपां न्ह्यगु ब्वनयकुथित चायकः तयागु, खप विश्व विद्यालय स्वीकृति ब्यसा चिकित्सा विज्ञान नपां मेमेगु विषय ब्वंकयता बः याडः वयागु खौ ब्याकसे सरकारं बांलागु शिक्षा मब्यगुलिं अपलं ल्यासे ल्याम्होपुं विदेशय वांगु खौ काडः दिल ।

वहे इवलय राप्ती नगरपालिका प्रमुख लामां खप नगरपालिकाया ज्यां थःपिन्ता बांलागु लिचवः लागू राप्ती नगरपालिकां नं स्नातक व स्नातकोत्तर तगिया कलेज चायके ताडागुलिं खप

वगु, करोडौया कालबिल जगु खौ काडः दिल ।

खप नगरपालिका खेलकुद समितिया कजि नपां वडाध्यक्ष श्याम कृष्ण खत्री (१) खप महोत्सवय च्यागु थी थी कासा जगु व वडागत काथं ग्वाहाली मिपुं परिचालन जगु खौ ब्याकः दिल ।

वडाध्यक्ष उपेन्द्र सुवाल (४) जुं खप महोत्सव नेपः या लागिं ब्वस्य लागु खौ वयो च्वंगु खौ नपां खप नगरपालिकां कासाता मानव जीवनया अभिन्न अडग काथं हछ्यायगु कुतः याडः च्वंगु खौ ब्याकः दिल ।

खप महोत्सव सचिवालय संयोजक गौतम प्रसाद लासिव जुं महोत्सव याय मःगु खौ काडः दिल ।

भक्तपुर जिल्ला भलिबल संघया नायो विनोद चरण राय जुं महोत्सवया लसताय नेपालय न्हःपां सिटिड भलिबलया धिंधिबल्ला जगु नपां उगु इलय फुक्क कासात लसतां जायकः क्वचःगु खौ काडः दिल । नपां खेलकुद समितिया दुजः पुं रञ्जना त्वाती व सुनिता अवालं नं न्वचु तयो द्यगु खः ।

लुमांकय ब्रहगु खौ वडा वडाय वडाया न्ह्यलुवाय सुभाय देछाले खप महोत्सवय ग्वाहाली यापुं सकल ग्वाहालीमिपिन्ता सुभाय पौ देछःगु जुल ।

कलेजया विधान व गथे न्ह्याकयगु धायगु सयकेता खपय वयागु खौ काडः दिल ।

उगु पुचलं नगरपालिका पाखं चायकः तःगु ब्वनय कुथि व खप अस्पताल नं स्वयो दिल । वयक पिन्ता नगरपालिकाया पिथनात उपहार काथं लः लहाडः दिल ।

दसिपौ लः लहात



खप नगरपालिकाया उपप्रमुख रजनी जोशी याय मूपाहॉलय स्थानीय स्काउट कार्यालय, भक्तपुर नगरपालिका खपया ग्वसालय ब्रम्हायणी सेवा क्याम्प २०८१ या दसिपौ व लयता पौ पुस २५ गते लःलहाडः दिल ।

राप्ती नगरपालिकाया नगर प्रमुख लामा ख्वप नगरपालिकाय्
(२०८१ एउस २५ गते)



दार्चुला, अपि हिमाल गा.पा.या जनप्रतिनिधिपुं ख्वप नगरपालिकाय्
(२०८१ एउस २२ गते)





शिक्षा, विज्ञान ँ प्रविधि मन्त्री भट्टराई रूषप नगरपालिकाय
(२०८१ पुस १६ गते)



रूषप नगरपालिकाया हिं न्हयकगु नगररूभा न्हयात
(२०८१ पुस २६ गते)